



WARBURG



18 0153136 5



16/1099

LMS VIII 295084

4
m
L

DE EORVM QVI
COMETAE
APPELLANTVR,
NOMINIBVS, NATVRA,
CAVSSIS, SIGNIFICA-
TIONE:

CVM HISTORIARVM MEMORA-
bilius illustribus exemplis, Disputatio atq;
narratio IOACHIMI CAME-
RARII PABEPERG.
edita,

LIPSIAE

IN OFFICINA HAEREDVM
VALENTINI PAPAE.

Anno Christi

M. D. LIX.

2034



Free Copy for Study Purposes only - The Warburg Institute Digital Collections

DE COME
TIS DISPV TATIO
ET NARRATIO HISTORIA=
RVM MEMORABILIVM IOACHI=MI
CAMERARII PABBPERG. AD
MAGNIFICVM VIRVM CHRI=STOPHORVM CAROLOVICIVM
DOMINVM RUBRAE DO= MVS ET HERMINIA=NI ETC.



VACARTA AL= lata confidentius nuper scri bere institui, quemadmo= dum largius potant, qui ἐκ πίθα, secundum Theocri= tum, ἀντλόσι. Cum alia autem ceperam, quasi illi= nere in hanc, tum considera tiones quasdam meas de nostris sermonibus, quos ha= buissimus de illarum flamarum genere, & formis, quarum nuper conspecta esse una multis in locis & à uiris dignis fide affirmabatur. Specie ista quidem pugionis, qui sunt ξιφίαι. Cum illa ante biennium altera quasi porrecta barba tenuum pilorum & pallidorum, quæ euanuisse autumno putabatur men= se Martio denuo apparuisset, occultata eo trimestri

non extincta. Atq; nostrum colloquium tum neq; ac-
 curatum neq; copiosum esse potuit. Nam & breue
 tempus, quo unâ uersaremur, concedebatur, & mul-
 ta, ut in festinatione fit, miscebantur, nec non inter-
 pellatione aliorum illud saepe impeditiebatur. Sed de
 alijs forte aliâs. Cum autem complures animaduer-
 tissem de his ignibus uel siderum uel ardentis uapo-
 ris, edere commentationes suas, uisum fuit & mibi
 explicatius ad te perscribere, ea quæ nuper strictim
 attigissemus. Dum autem in ijs quæ incoaueram,
 ultro interdum cesso, interdum studens illa absoluere
 alijs rebus impedior, me eo etiam cui edendum hoc
 opusculum traditurus eram, morante, & ita ipso
 apud me delitescente: Ecce manifesta Pogoniacæ flam-
 ma apparet, in plaga occidentis uesperi supra Leo-
 nis, infra Helices signum, ad Comam Beronices. Tum
 uero differendam rem amplius non putaui, & rea-
 sumsi in manus, eam partem quam de cogitationibus
 animi mei descripseram, & reliqua attexui, ut, id
 quod erat informatum & conceptum perficeretur,
 & hæc dedi exprimenda typographo nostro, ne si
 non quam primum diuulgarentur, prorsus non exi-
 rent obsolescentia apud me, uel saltem serius ad te
 peruenirent. Atq; erunt hæc scilicet cuiusmodi esse
 nostra & possunt & consuevere, id est Κιλολο-
 γώτρος ἡ Φυσιολογώτρος. Quod tamen ge-
 nus cum liberale sit, etiam ad cognitionem certam
 quarumcunq; rerum non minimum adiumenti afferre
 solere,

solere, mihi est persuasum. Et conatus autem meos scribendi interdum aliquid ad te incitat, et industria am in opere perficiendo excitat, cogitatio non modo uirtutis et sapientiae singularis, sed humanitatis quo que et comitatis eximiae tue. Ad que accedit perspecta mihi, tam erga opt. artium, quarum te principem appellare licet, studiosos benigniss. uoluntas, quam erga me peculiariis affectio, in memoria necessitudinis ueteris, et cura adiungeri nouam. Quae sane nunc à plerisque aliter fieri animaduertuntur.

Qui aut ὁ λέων γαύροι, ad opulentiae ostentationem pertinere putant litterarum contemtum, et humilitatem studiorum liberalium despiciunt, aut uoluptatum illecebris deprauantur, aut ferociae insolentia annullantur. Tu uero et intelligis quam preclarares sit doctrinæ eruditio, et tantum abest ut splendorem et præstantiam dignitatis illa obscurari suspicaris, ut nihil ornare commendareue haec magis possent. Sed ad te, de te, non sunt tales quasi declamationes detexendæ. Ut igitur ad propositum argumentum reuertar, memini ante annos uiginti quatuor, cum talis flamma se ostendisset uergens ad plagam occidentis, multorum oculos et animos ad spectandum et querendum conuertere. Et nos tum nescio quid balba de nare locuti, postea litteris mandare non dubitauimus. Idque scriptum fuit editum. In quo nihil est, uel non certe multum, quod mihi probetur. Cum oratione minus elaborata et perpolita exponantur

ea, quæ & attentius perscrutanda, & subtilius disserenda, & copiosius enarranda fuisse videantur. Attigimus enim certè res dignas sapientiæ atq; doctrinæ præcipua facultate & industriæ ac studij contentionem summa. Quarum in illo scripto nostro apparet conatus quidam operis perfectio non apparet. Sed ueniam merebitur, ut spero, uel audacia in re honesta communis cum multis, uel in bonarum artium trahitatione periculum faciendo cupiditas, uel etiam uoluntas obsequendi amicis, à quibus tum hæc opera
etiam adolescentia uenientia expetebatur. etati etiam uenia dabitur, quæ est adolescentiæ semper & præceps magis & imprudentior, & minus timida. Nostræ quidem considerationis quasi fundamentum tum fuit, supra quod totam disputationem illam extruximus, sententia Herodoti, quam res Aegyptias enarrans ille memorat, hæc.
 Υγνοιδύς τόρατ φυλάσσοι γραφόμενος τῷ ποβαῖνον. καὶ λύκοτε ὕσθοι πράπλησιοι τὸ τῷ γράψαι, λατταὶ τῶν τὸν νομίζοντες ποβήσανται. Cum ostentum extiterit, conseruari ait memoriam euentus, & prescribi quid fuerit secutum. Atq; ita, si quid simile postea rursum extiterit, similes esse euentus secuturos, decerni. Hæc cum legisset, meam aliorumq; plurimorum opinionem, ista ostenta aliquid significare non communis neque usitati modi, quod antiquissima persuasione confirmari uiderem, admodum sum letatus. neq; alia iam
callis

DISPUTATIO.

5

calliditatis commenta duxi esse curanda. Quemadmodum autem tunc feci, ut tempora quædam indicarem, quibus talia ostenta uisa essent, Ita modo quasi^{propo h̄ op̄ s̄c̄nli.} dam historias uerbosius exponere placuit, ijs de causis, quæ referentur, ubi prius de horum natura & conditione pauca quædam differuero. Que quidem flamma anno Christi M. D. XXXI. pri^{Cometa anno 1531.} num conspecta fuit plaga occidentis uesperi, ineunte autumno, ea sequente anno denuo fulsit, loco quidem eodem fermè, sed matutino. Anno uero M. D. XXXIII. baud scio an illa eadem iam euanes-^{Cometa anno 1533.} scens nocte tota apparebat, propter septentriones bærens in signo Cæphei. Quam autem uidimus biennio, eam constat de signo Virginis, quem Græci Ἀστρομόνιο vocant, ascendentem ad uerticem mundi, per conuexa cœli ad oppositum signum piscium delapsam, cerni amplius non potuisse. Hæc loca in-
cidunt in Δωδεκατημόρια, hoc est quasi uncias circuli signiferi Libræ & Arietis. Conficit igitur suo motu istius sideris seu flamme progressio dimidium orbis. neq; longè euagata est extra circulum maximum, qui duceretur per puncta duo, unum ad partem circiter XI. Libræ alterum ad P. XI. Arietis. Manifestè autem depræhendi potuit obseruando, contendere illud ad Saturni stellam, qui est Græcis φαίνων. quo tamen proprius accessit, eo tardior fuit processus. Sed quæ species nuper mense Octobri anni superioris apparuisse perhibetur, ea traditur in

A 4

plaga

Gaius
Sulla f

plaga occidentis uisa, & notata esse in dodecatemo-
rio Sagittarij, cum Sol Libram iam peragraret. Fu-
isse autem formam pugionis seu ensis, globo ignis il-
lius emitente fulgorem in unam aciem desinentem,
colore pallido, & luce rara atque exili, quale esse
solere hoc genus Plinius scripsit, his uerbis, Sunt
omnium pallidissimæ & quodam gladij nitore, sine
ullis radijs, cum quidem esse breuiores dixisset, & in
mucronem fastigiatas. Etiam alterius conspectæ
flammæ facies luminis erat tenues radios iacentis,
& magis pallentes quam rutilantes, sed sparsim de
globo flammæ nitido. Quin ea esset quam Græci
 $\tau\omega\gamma\omega\nu\varsigma$ nomine indicarunt, quando in speciem
barbae longæ promittitur iuba, ut ait Plinius, non du-
bitauimus. Græci quoq; sic describunt, $\pi\lambda\tilde{\omega}\delta\varsigma$
 $\tau\circ\kappa\alpha\tau\omega\tau\circ\delta^{\circ}\alpha\omega\varsigma\eta\omega\tau\theta\circ\sigma\mu\epsilon\iota\varsigma$. id est,
eam partem quæ extenditur, & infra eminet, passis
radijs conspicisci, cum sit coactior & arctior superior.
Aristoteles plane dicit, circumfusam pariter comam,
speciem esse κομήτη. $\epsilon\alpha\mu\delta\epsilon\epsilon\pi\iota\mu\eta\eta\Theta$, inquit,
 $\kappa\alpha\lambda\tilde{\epsilon}\tau\alpha\iota\tau\omega\gamma\omega\nu\varsigma\alpha\varsigma$. Atq; talis ea quoq; flam-
ma fuit, quæ circiter Non. Sextil. nuper est conspe-
cta, & nos paucis post diebus uidimus, ascendentem
illam quidem meridiemq; uersus abeuntem, sed iti-
nere adbuc inexplorato. Quod si aliquarum stellæ
rum quasi ditioni & potestati subiiciendi hi fulgores
esse uideantur, pertinere istos omnino ad Saturni, &
Mercurij stellas, quarum illa, ut diximus, $\phi\alpha\iota\omega\mu$,

hæc

hæc si λέων Græcis est, sumus arbitrati. Vocarunt autem Græci genus totum κομήτας ἀσέρας, sed distinxerunt formas nominibus. Latini Crinitas seu Cincinnatas stellas. Quarum naturam et conditio= nem cum antiquitas tum posteritas tota dignam esse indicavit, in qua perquirenda studium sapientiae oc= cuparetur. Ac Aristotelicam quidem sententiam plæriq; posteriorum secuti fuere: Esse infra æthera, cuius citimam terris partem obire luna creditur, Igneum quendam uaporem. Non flammam illam quidem, sed feruentem siccitatem, quam ille ἀνθυ= μίαστης τὸν θυματώδην καπνώδην εἶπεν καυμα appellat, quæ nullo alio quam ignis no= mine indicari possit. Infra hunc aërem diffundi, naturam calidam et humidam. Conuersione autem coeli contorqueri ambo, tanta ui ac celeritate, ut, si uspiam ad inflammandum idoneam et opportunam illa quasi materiæ igneæ copia se præbeat, id est, quod ait ipse, ἐπ. μάλιστα εὐκαιρώσ εἰχοι οὐ τοιαύτη σύστασις, statim exardescat. quod si illa materia eiusmodi sit, quæ non modo concipere flam= mam, sed alere etiam aliquantis per posse, id genus uocant κομήτας. Ad quos referentur et τῶγε= νίαι, de quibus diximus, et λαμπαδῖαι, quasi fa= ces dicas. Et ἀκοντῖαι ac ξιφῖαι, cum tanquam ia= culorum et ensium figuræ cernuntur. Δισκῆς au= tem orbis habent effigiem, κρατῖαι cornus, ut in= quid Plinius. ἵππεύς equinas iubas implicatas. Densa

nomina atque
Crinitæ seu Cincin= natæ stellæ.

Artis suæ du= mptam naturam

Unde nra conso= tarium inflam= matis.

Species

autem species uillis ἔγγονοι, id est, hirci nomen inueniuntur. οὐθίτης, doliorum cernitur figura, in concauſa fumidæ lucis. Hoc si genus quoppam est Cometarū, aliud erunt χάσματα & βόθῳ Aristoteli, qui ita appellat uisa quædam apparentia cœlo sereno noctu, colorante & figurante aërem modica flama tanquam ſpeculo reflexa, & non diu durante. Sed qui fulgores Cometæ dicuntur, eorum omnium eadem cauſa eſſe potest, quamvis facies diuersa fit, secundum ea quæ ab Aristotele commemorantur. Prisci Phaethontis fabulam, ad horum siderum coruſcam secundum poētas, flammarum applicarunt. Quod iſtud eſſet quaſi incendium Mundi, cum ſemper aëſtus ac ſiccitas orbem terrarum affligat, quo-
ties Cometarum ardor fulgeat. πλλοὶ γαρ κομό-
ωσιν ἐπ' αὐχειρῶν κύκλων, secundum Ara-
tum. Et traditur huius ſideris uel diſipationem uel
diſturbatiōnem, uel amotionem ab oculis, id est, αφά-
νιſiμον, à ueteribus appellatam fuſſe κοράνωσιν.
Phaethontem enim Poētæ narrant euagantem lon-
gius, ne exureretur Mundus. iectum fulmine à Ioue eſ-
ſe, deiectumq; in terras. Aristoteles quidem ſcribit,
ſimul aliquando plures Cometas eſſe uifos. Sed com-
pertum hoc eſſe non putatur, & notauit Plinius quo-
que. Hoc omnino ueri eſt ſimile, quemadmodum
uentorum impetus ad aërem bac aut illa parte agi-
tandum impellitur ab aetherea quadam & stellarum
ui atq; potestate, ſic & incendium illud excitari &
certo

hinc cometarum
ſimilis uifos.

certo quodam itinere circumduci ab aliquadrum stellarum in æthere propria gubernatione. Putant autem Astrologi uentos Aquilonares à Ioue cieri, Australes à Venere, Vulturnos à Saturno, Fauonios à Marte. ut Mercurij stella communis quædam domina uentorum relinquatur. Quod si lapis, quem Herculianum uocant, ferrum attrahere potest, quid ni possit aëris quasi fluxum commouere aliqua in æthere stella? Atque esset optandum idem studuisse quamplurimos de huiusmodi flammis obseruare, quod in paucis quibusdam notatum est. Illam certè quæ fulsit ante biennium depræbensem est directo itinere perrexisse ad Saturni stellam, quæ infra Piscis magis aquilonaris signum in Arietis dodecatemorio tunc reperiatur. Quadam autem ratione ignota nobis, per Septentriones ab ortu rursum ad ortum per id conuexum cœli, quod ijs qui Septentrionum habent sublimem uerticem, conspicitur, traducta καὶ τὰ τὰ προκύδματα peruenit. Diu autem hæsit quasi in catenis Andromedæ ex Cepheo ad illam delata, ut supra Italiam diebus pluribus transferit. Quod si perpetuum hoc sidus est, ut Pythagoreis placuit, et quodam nondum depræbenso motu non aliter quam cætera quæ errantia uocantur, conuertitur, nihil tamen prohibebit, ut opinor, aliquam caussam φάσεως, id est conspectus Cometæ, ad certas stellas referri, quarum positus, qui tamen demonstrari nequit, propter mirabiles Cometarum migrationes,

tiones, & non obseruata tempora, efficiat, ut regionibus aliquibus & in terra locis, quæ sunt uulnus atque uox) oīnūσdē, sidus istud appareat. Non autem priisci Pythagorei tantum, & post hos Stoici, sed ex Saracenis Astrologis quoq; aliqui plurimis annis postea, crediderunt Cometas sublimi in æthere, id est, ea cœli parte in qua stellarum, quæ errantes dicuntur, luces eminent, conuerti, certis argumentis esse cognitum. Et quidam, quem trans ferentes in sermonem Græcum scripta ipsius, Apomasarum nominant, se ipsum oculis suis uidisse narrat, Cometam supra stellam Veneris. Sibiq; ab alijs esse dictum quod conspeciissent Cometas supra Iouis & supra Saturni sidera.

πλέω τοτο γίνωσκε, inquit, ὅτι ταῦτα οἱ
 κομῆται ταῦτα τὸν ἀστέρα πουνέρομ, καὶ
 μεγάλα ἀποτελεῦσι συμπτώματα. καὶ τὰ
 συμπτώματα ἀνάλογα γίνονται τοῖς με-
 γέθδι αὐτῷ. ἡ μὲν γάρ μεγάς δέηται ὁ κομή-
 τος μεγάλα ἀποτελεῖ συμπτώματα, οἱ δὲ
 μικροὶ, ἐλάχιστα. Idem hoc dicit Synesius, autor
 non contemnendus, specie Cometarum semper ali-
 quid mali portendi, & significare hos calamitates
 publicas, nationum ἀνδραπόδισμοὺς, id est, sera-
 uitutem & direptiones, ciuitatum euersiones, Re-
 gum interitus, denique paruum aut mediocre nihil.
 Atq; narrat de quodam quem ipse uiderit, cum qui-
 dem Cometas φύλακαν μόνον ἀσέργας uocet, id est,
 falso

ararmorum
astrologorum
summi.

omator in ortha
e diphthongi

Apomasari ngl.
monium

Synesij

Prudwymo
25. apri

falso nomine sidera, qui emersus à plaga Australi ex signo Aræ, Græci ΣΥΤΗΣΙΟΝ appellant, processerit ad punctum æquinoctij. hinc perget, inquit, ad Septentriones, et præteribit Mundi uerticē, nisi prius interierit. Putat enim et hic esse Cometas non uera sidera, sed incensos et ardentes, secundum Aristotalem supra aëris regionem uapores. Cur non liceat autem suspicari, in hoc denso illo quidem sed perspicuo tamen cœli corpore, eum, qui est autor et fabricator uniuersitatis rerum et operis admirabilis, eius quem Mundum nominamus, quoties uideatur, collare aut exhibere posse aliquam naturam uel effici- entem atq; mouentem certos euentus atq; casus in terris, uel certe significantem et portendentem. Quod si per certa interualla et suis temporibus illa exhibeat, cauissam, cur inexploratum atq; ignotum hoc illi esse placuerit, fortasse hanc suspicari licet, ut signo isto uehementius commouerentur percellerenturq; animi hominum. Si nouam istam naturam creari existimandum, quid prohibeat ad illius etiam ortum et formam suppeditare ueluti materiam arbitrio creatoris, ea quæ iam facta atq; condita sunt. Quemadmodum et Homerus plane dicit arcum cœlestem in nubibus apparere atque statui diuinitus, cum euidentis sit, ad hunc exprimendum nubes inseruire quasi elaborationi diuinæ. Comparsans enim cum hoc dracones in lorica Agamemnonia, esse ait,

'ΙΓΙΑΣΙΝ

ἴειατηρ ἐοικότας, ἃσε λερονίωμ
δύνεφει σκέψει τοῦτος μορόπωρος ἀνθεώπωρ.

Et alibi,

ἀύτε πορφυρέως ἴερη θυντοῖσι τανύσση
ζεὺς ἐξεργανόθην τοῦτος ἔμμικται ἢ πολέμοιο,
ἢ καὶ χαιμῶν Θ δυσάλπε Θ.

Idem εἰ siderum ostenta diuinitus exhiberi perspicue
dicit, ubi delabentem caelo Mineruam in medio cam
ponituisse ait,

οἵοις ἀσέρας ἡκε λερόντων τοῖς ἀγκυλομήτεο
ἢ νάμτησι τοῦτος ἡ ερατῶ δύνεται λαχῶν
λακπέρην, τούτη τε πολλοῖς ἀπό αὐτοῦ θῆρος
ἴγντας.

Quod enim hoc aliud sidus sit quam quale eorum est
quae crinita nominantur? Nam neq; διάποντες
illi ἀσέρες diu conspicuntur, sed celeriter quasi una
scintilla præteruolant. Et aliæ species cum euane
scunt statim tum flamarum crebro radios non ia
ciunt, ut omnino ad Comistarum fulgorēm εἰ μικάν
tes radios illius sideris similitudo pertinere uideatur.
De quo tamen οὐ μαχθμάτι τινὶ si quis fortè disce
ptandum esse putauerit. De Cometa autem quem
Synesium scripsisse αἰσε εἶσε νιστόν, supra retulimus,
uenit in mentem εὶ^r Claudiani uersuum, haud scio, an
de eodem ipso Cometa, ex quarto libro de bello Ge
thico, horum.

Et

Synesium
et Cometa
Claudiani
versus de
Cometa illa.

Et nunquam cœlo spectatum impune Cometem
 Qui primum roſeo Phœbi prolatus ab ortu,
 Qua micat astrigera senior cum coniuge Cepheus,
 Inde Lycaonia paulatim expulsus ab arcto
 Crine uago Getici fœdauit sidera plaustri,
 Donec in exiguum moriens uanesceret ignem.

Verum de natura et origine Cometarum, id quisque licet, sentiat, quod ipsi probatur maximè, et uero rieſſe ſimilium uidetur. Non enim ſensibus modo quæ percipiuntur, eorum ἄλλο ἄλλων ἡδὺ, ut ait Aristoteles, ſed diuersorum ſunt etiam opiniones diuersæ, et aliorum ſententiæ aliud arridet. De ijs autem quæ non ſunt exposita ad comprehendendum ſensibus, id est, ut ait idem Aristoteles, πάγοι τῶν ἀφεντικῶν τῆς αἰδήσθη, et disputationes certissime existimandæ ſunt, quæ id demonstrant quod omnino fieri poſſe uideatur. hoc enim certè eſt, rem εἰς τὸ δύναντὸν ἀναγγεῖπ. ut ſi φυſiologoyēp aliquis uelit, (quamuis cauſſæ fortuitæ et materię mutabilis, conſtantem et perſeuerañtem cum formam tum pro gressionem eſſe, conſentancum non ſit) Aristotelicæ tamen de Cometis ſi non coniçeturæ, at argumentationes cæteris forte preponi debeant. Neq; futuræ illeſint à doctrina ueritatis, quæ in Ecclesia Christi explicatur, alienæ aut abhorrentes, ſi quis ita cognoscat, ut ad religioſæ ſcientiæ quaſi normam applicet. Vnde diſcedens omnis sagacitas et peritia et ſapi entia, ſtupida fit et ignara et demens, quamuis per

ſe acris

Cometarum
lēs impā-
clām dī am
mērī
De natura et origi
ſine le uer
yām iul. 1.2
tūl. 1.2
Arliſa ſuia in
hiſ diſpariſt
firanda nlio
opinionib. ſuia
pbuliſor

Prælura e uulij
osa 1.000.000
ſuia.

se acris et copiosa et eximia. Et hi sunt de quibus scribitur, εματαιωθησαν ον τοις διαλογισ= μοις αυτων νοητη εσκοτιδη και ασυνετη αυ= των καιροια, φασιοντες ειναι σοφοι εμωραν= θησαν. Sed quaecunq; res aut natura sit ille fugor, quem Cometen nominamus, et quicquid de hoc crea= dere persuaderem sibi, et siue in æthere seu aëre hunc collocare aliquis coniectura sua uelit: Id om= nino constat, esse hoc corpus quoddam fulgens, et, ut uidetur, rotundum, et aliqua de caussa radijs hanc aut illam formam exprimens. Quos quidem à Solis lumine eminere qui putant, eorum opinionem id con= firmare possit, quod illi, quos diximus, radij à Sole quodam modo auertantur, ut à splendore Solis de Cometæ corpore secundum huius tam habitum quam possum, certam quandam speciem radiorum appa= rere existimandum sit, uel extensis illis uel implica= tis, et in directione uel continuatis uel diuisis. ij certe nihil afferre uidentur, cui fides habenda sit, qui tra= dunt, εμφασιν esse hanc totam, id est, inanem spe= ciem seu imaginem, qualis in speculis cernitur, et qualem esse plerisq; placet arcus cœlestis, cum et globi ignei Cometarum euidentes sint, et tam diu in cœli perpetua conuersione, et suo quoq; itinere, ean dem imaginem permanere, ratio nulla constituere ui= deatur. Est haec natura omnino corporis, neque in aliena quasi subiecta materia, accessione quasi inha= ret lux ista, quæ adhuc illa durante extinguitur. Sed siue

Definitio sive de
scriptio cometarum

Ymas
et C.

laz
vsi
m:

sive Aristotelicus vapor, tanquam fomes ignem aliquando concipit, et parte quapiam sui inflammatur, seu alio modo existunt hi fulgores, seu est origo etiam eorum aequalis et compar stellarum origini, planè esse propriam hanc naturam, non speciem inanem statuendum est, undecunq; sanè duer, et quædam figuræ accedant atq; conspiciantur. His quasi praenarratis ad historiarum ueniamus expositionem. Dictum autem est Cometarum ostenta non esse levia, neq; paruarum rerum aut communium cunctuum signa sed casuum mirabilem et ingentium calamitatum, quæ ad totas ciuitates et universos populos, ad regna et imperia orbis terrarum pertineant. His autem, secundum Ptolemæum, generalibus fatis, singularum etiam fortunas comprehendendi obscurum non est. Ut enim ruina domus parietum et tecti euersione, et inflammatio urbis aedium incendia complectitur, Sic publicæ ærumnæ priuata infelicitate complentur. Quamobrem ea quibus miseriæ præcipuam tristiss. casuum præsignificari uult diuina et uis et bonitas, cum animaduertenda sunt accurate, tum studiose notanda, tum etiam assumenda ad animos confirmandos et præparandos, ut minus perturbentur repentinis malis, et præuisa facilius ferant. Ad quod magnopere prodest, ea nouisse et habere in promptu, quæ alijs temporibus acciderunt, secuta portentorum ostensorumq; et monstrorum signa atq; prodigia. Semper enim fieri solet, ut homines

Transitus ad
historias.

Admonitiones

subitis & improuisis malis, quorum similia neque fando cognouerunt, neq; experiundo sunt perpeſi, grauiter & uehementer percellantur. Itaq; inter Tragicas querelas, ſcimus eſſe hanc præcipuam, inauditas eſſe ærumnas, & noui atq; singularis modi mala, & atrocem calamitatem. Fit autem & hoc, ut in perturbatione animi præſens infelicitas amplificetur deplorando & lamentando, hinc illæ ſunt quiritationes,

ἀπίσταπίσα, καὶνὰ καὶνὰ δέρνομαι,
Et. ἀγρήτηνόμασα, θαυμάτων τέρα.

Et huiusmodi alia, quibus Tragoediæ refertæ ſunt, quæq; hoc loco congerenda non ſunt.

Cum autem noſtris temporibus & in noſtra gente ea commota ſint, quorum acerbitas multos attigit, & qui quaſi iecti fuerunt illi uociferando dolorem ſuum declararunt, tum factum eſt, ut uarij sermones exiſterent, alio ſe miſerum eſſe clamante, alio miſerante propinquos, patriam, Rempub. uniuersam, non etiam nemine iraſcente & maledicente his aut illis, pro eo atq; autores aliqui uel cumulatores malorum eſſe crederentur. Tali igitur rerum ſtatū & affectiōne animorum, cogitanti mihi errare illi quidem uifi fuerunt, qui uel ſe indigniſſime affligi putarent, uel leuitati impatiētiæ indulgentes contumelijs incesserent eos à quibus damnis eſſent affecti : Quid autem consilij & opis afferri his aliud poſſit non reperio, quam ut conſiderationis huius ratio demonſtretur.

Nam

Nam ea quæ legendo cognoscimus alijs temporibus
ac locis accidisse, primum in communitate quadam
fortis æqualis docent nos non iniquo animo ferre no-
stra incommoda, dum hoc quasi loquuntur, Non tibi ^{78.}
istud soli. Deinde, si illa difficiliora atq; grauiora
esse appareat, molestiam etiam minuere & dolorem
cohercere solent, quod minus nos affligamur quam
alij afflicti fuerint. Notatio autem signorum, de qui-
bus disputationibus, liberalis curæ est & diligen-
tiae solertis, quæ utraq; est laus digna homine, non si-
gura tantum oris, sed mentis etiam rationisq; præ-
stantia. Euenta uero cum metuuntur deterrima, ad
hæc quidem perpetienda parati animis prudentes
esse debent, Si quando autem tolerabiliora alijs ex-
istant, de formidine tunc ingente magni mali exitum
leuiorem uideri, necesse est. Sed hæc omnia sunt ad
usum proposita uniuersis nō uecordibus neq; stolidis.
Multò autem preciosior & maior fructus à religio-
sive pijs hinc percipitur. Qui admonentur iam
diuinæ etiam tam prouidentiæ quam gubernationis
inexploratae & admirabilis ingenio & sapientiæ ho-
minum. In hoc enim Mundo diuinitus ita temperan-
tur omnia, ut & ardua conuellantur, & humilia ac
parua extollantur. Non sit autem hoc inuidia aut
peruersitate aliqua, quæ in Deum cadere nequit, sed
certo consilio & iusto decreto uicissitudinis præfi-
nitæ, tam in transferendis delendisq; Imperijs, quam
hominum singulorum morte & interitu. In quæ

proterue inquirere pietas uetat. Qui autem hac in parte curiositati frena laxantes religionem neglexerunt, iij in uarias ac multiplices quæstiones disputationesq; delati, hoc modo consecuti fuere, ut quæ studuerunt probare differendo, ea absurditas argumentorum ipsa conuinceret ac refutaret. Nos autem quibus in fide IESV CHRISTI patefacta est ueritas cœlestis, tam de Deo ipso quam consilijs & ualuntate huius, non possumus ignorare cauñas ullorū cœuentuum in utrāq; partem. Qui scimus & iustissimam iram Dei poenas exigere delictorum humana rum in impietate & petulantia, & eiusdem immensam misericordiam in animorum conuersione ex oboedientiæ studio, uel auertere illas uel saltem mitigate. Non igitur consolationum modo utilitas de tali cognitione percipitur, sed ad signorum quæ euenterunt istiusmodi aliquando antecesserunt conspectum, pietas religiosa erigi etiam solet atq; excitari, tam ad spem salutis suæ quam sollicitas preces. Neq; enim corripiuntur & ueluti absorbentur istis tempestatis bus illi qui fidem præstant Deo eumq; sancte uenerantur, Et huius uitæ commoda ijdem tam sibi quam alijs saepenumero impetrant, & deprecando aduersa depellunt. Hi norunt quoq; & sciunt hanc esse quasi palestram fidei in terris, ut in Mundi commotione, præsens cum intentant omnia lœtum, & cum interitus ante oculos est, nihil tamen minus Christianis, quod & habeant Deum propitium, & se huius omnipo-

ra Dri adiuver.
ns p̄tra.

nia Dri erga
res ipsi scriptores.

inc. 2.

recium piaq
ficiacia.

omnipotente manu protectumiri in extremo discrime, persuasum sit & certum. Rideant sanè hæc Porphyrij ac Iuliani. non enim humanae intelligentiæ, sed doctrinæ diuinæ res est, nos tamen scimus, & conditum genus humanum, ut Deum æternum cognosceret atq; ueneraretur, & unicum esse tam scientiam quam cultum eum cuius filius Dei λόγος ή εἰκὼν τοῦ ωραῖος, nuncius est & interpres. Quæcum ita se habeant, totius Mundi creationem & omnium temporum atq; rerum ordinem ac progressiōnem illi æterni D E I consilio uoluntatiq; inseruire oportet, ut quicquid fiat, id pijs & religiosis convertat in bonum. Quod eò est euidentius, quia apparet omnes istos conatus qui cœlesti doctrinæ fuerunt aduersati unquam, hoc tantum profecisse, ut illa oppugnata magis confirmaretur & pressa exurget. quodq; de initijs neq; dignitate splendidis, neq; uiribus robustis, ad eximiam celebritatem & amplitudinem processit. Nulla in terris potentia, nulla calliditas, nullæ copiæ, hanc uel impedire crescentem, uel auctam retardare, uel incitatam peruertere potuerunt. Ac si quando laborauit & debilitata fuit, non accidit id hostibus lædentibus & urgentibus, sed ciuibus inter seconflictantibus & sibi mutuo infestis. Quod & ipsum fieri interdum permittit D E V S, quo illustrior sit paucorum uirtus & constantia. Quæ cum patefacta diuinitus à pijs cognoscantur & promissionum fide apprehendantur,

prodest etiam rerum gestarum narrationibus celebri, quæ sunt uel commemorationis manifesti auxiliij diuini, uel occultioris protectiōis in mundo, grāfante rabie impietatis et scelerum. Non autem mi-
nus mirabile esse statuendum est, opponentem sese pa-
lam potentiam DEI, furori hominum aliquando
bunc retundere, quam saepe dissimulantem uim su-
am, quasi clanculum eripere suos atq; liberare modo
impendentibus malis, modo morti appropinquanti,
et oculere ac custodire illos ne infestum odium et
crudelitas immanis eorum qui in terris regnandi li-
centia abutuntur, nocere his possit. Tantum enim
abest, ut Christianus cœtus ulla violentia humana
extingui possit unquam, ut saepe eum iniuria aduer-
sarium, et tristitia euentuum ne attingat quidem,
saepe adoriens inuocatiōe religiosa refutetur atq; re-
siliat. Quod si est ueritas cœlestis, quemadmodum
certè est, eadem omnibus sœculis, debent nimirum pīj
et religiosi simuliter conseruationem sui sibi policeri
in sue quoq; etatis periculis, sicut ante salutem ulti-
mo in discrimine alios retinuisse compertum habent.
Hæc sanè utilitas, quam consideratio et respectus
tam signorum quam euentuum confert, multò est
præstantissima atq; uberrima. Alterum illud intua-
entem historias ueteres et præsentia mala cum pri-
oribus conferentem, cum hoc perspicere mitius saepe
infortunium, uulgo intolerabilius uideri, tum de con-
templatione conditionis humanæ, propria et sua
detris

detrimenta ferre moderatius: et si consolationem ha-
bet illud quidem leuem & instructionem ueluti po-
pularem, neq; contemnendum tamen hoc etiam est,
& ad pietatis ac religionis considerationem, afferre
momenti aliquid poterit. Collegimus igitur quo-
rundam temporum quibus traduntur Cometæ in cœ-
lo nisi historiam ad eum usum de quo iam uerbose
dixeruimus, ut legentes hæc cogitent esse cursum re-
rum in hoc mundo talem, ut modo leta modo tristis
modo interiecta quædam media fortuna commoueas-
tur: & cum se consolentur comparatione, tum spe
certa benignitatis diuinæ sustentent. id quod Chri-
stianorum proprium est. In promtu autem erat
multò his plura congerere, cum de Græcis Latinisq;
historijs, tum de nostratibus quoq;, sed in præsentia
recitatio istorum quæ sequuntur, ad id efficiendum
quod uolumus, satis copiosa uisa est. Cætera, qui uo-
let ipse conquiret, & suo studio hanc opellam indu-
striæ nostræ locupletabit.

Ordiemur autem expositionem ab ijs quæ nar-
rantur eo tempore afflixisse Græciam, quo ille Co-
metes apparuit quem Aristoteles Magnum uocat, &
in plaga occidentis primum eminuisse ait gelida &
serena hieme, porrexisseq; fulgorem ad tertiam usq;
partem cœli, quasi salientem, & appellatum fuisse
Viam, ac cum peruenisset recedens à Sole ad Cingu-
lum Orionis ibi euauisse. Tum in Græcia Helice
& mox Bura Achæicæ urbes terræmotu & eluuiione

B 4

funditus

Helice & Bura
urbes terræmotu
& eluvione aquæ
extinctæ

funditus extinctæ fuerunt. de quibus Naso,
Si quæras Helicen & Buran Achaidas urbes,
Inuenies sub aquis, et adhuc ostendere nautæ
Inclinata solent cum mœnibus oppida mersis.

Sed hoc de Helices exitio Pausanias retulit, hanc
& terræmotu æquatam solo fuisse, et maris impetu
obrutam, unâ cum incolis uniuersis. -Buran autem
in monte sitam & ipsam quidem tum euersam op-
pressisse cives omnes qui domi illo tempore fuissent,
quosdam tamen qui militiæ aut aliarum rerum caussa
abessent, conseruatos, instaurasse deinde patriam.
Itaq; huius ille mentionem facit, ut sua ætate cultæ at-
que frequentis ciuibus. Hoc accedit Prætore Athe-
nis Aristæo, anno quarto Olympiados centesimæ
& primæ. In quod tempus incidit & Imperij Græ-
carum ciuitatum finis, & Macedonum potentia ac
regni in Asiam se porrigentis initium. Et Aegy-
ptus dissidio Regum bellisq; intestinis afflictæ atque
debilitata denuo Persarum potestati & ditioni sub-
iecta fuit. Nam Nectanabis cum Agesilai ope Taa-
chon expulisset, ipse postea ab Ocho spoliatus regno
exul mortem obiit. Sed harum rerum historiam sus-
mus alibi persecuti. Aristoteles meminit alterius quo
que Cometæ, qui apparuerit cum Prætor esset Athe-
nis Eucles. Quod tempus non possum indicare, ni-
hil enim ad nos eorum scriptorum peruenit, quibus
& ab alijs & postrem ab Apollodoro successiones
Prætorum Athenis explicatæ sunt. In consideratio-
ne autem

ne autem eorum quæ supra retulimus, potissimum
 mibi in animo fuere, illa tempora, quibus non una ci-
uitas aut populus, aut pars terrarum, sed unius Hag. 2
mundus commotus, et omnia regna dissipata con-
nulsaq; sunt, proprius accedente die illo, qui æterno
consilio DEI statutus fuerat, ad absoluendum opus
reconciliandæ gratiæ inter DEV M et homines,
et liberandi genus nostrum, ab omnibus ijs malis, in
quæ per contumaciæ peccatum erat prolapsum, quo
rum esjet atrocissimum et extremum Mortis interi-
tus sempiternæ. Is dies fuit natalis IESV CHRI-
STI filij DEI et virginis Mariæ, ut uerisimile fiat
illorum temporum homines religiosos et pios non
leuiter de eo quod futurum esse credi oporteret, sea-
cum luctatos fuisse, cum ea et parari geri q; et cue-
nire cernerent, de quibus certissima uastitas orbis ter-
rarum, et exterminatio gentium atq; nationum me-
tuenda esset, nedum instauratio et incolumitas spe-
raretur. Viderunt ruere imperia, perdi ciuitates,
dirui urbes, gentes nationesq; totas deleri. Expedi-
tum esse ferrum et ignem ad publicas priuatasq; cae-
des, populationes, clades, ruinas. Nihil esse præsidij
innocentia, improbitatem et violentiam armatam,
non aliter ac tempestatem omnia passim loca hor-
ribilibus calamitatibus peruadere. Et retinenda ta-
men fides fuit, debita cœlestibus promissionibus ope-
ris salutaris, cuius effectio propria erat filij DEI,
tum demersuri se in carnem humanam, ut homo

re natalis
Chri. p. 1

fides in pre-
missione Dr.
costans

nasceretur in terris, ad generis nostri liberationem
 ac salutem. Fuit difficile in hac persuasione consi-
 stere. Non enim facilis neq; uulgaris res est, neque
quæ contingat omnibus, Fides. Sed religiosi atque
 piij constiterunt certe, & contra spem spe nisi, id ex-
 hibitum esse crediderunt D E V M quod polici-
 tus fuerat. Id cum iam factum esse constet, multò sci-
 licet nosta conditio melior est, quibus tanta admini-
 cula fidei suppeditant, ut refragantium cœlesti ueri-
 tati & prodentium fideim, iam deinceps caussam
 quoq; difficiliorem & deteriorem fore necesse sit.
 A multis autem memoriæ mandatum est, illa ætate
 multos uel plurimos potius fulgores Cometarum,
 inter alia innumerabilia prodigia, quæ cœlo, terra,
 mariq; extiterunt, uisos esse. id quod & à Marone
 indicatur, qui non aliâs ait, diros toties fulsisse Co-
metas. Sed quemadmodum ante magnas & graues
 tempestates, murmura quædam audiuntur, Ita illam
pestem, quæ tum orbem terrarum corripuit, sane fra-
gores uebementes, & significationes tristes præcesser-
 runt, Sullanæ inquam dilacerationes & furores,
 quos secuta exceptit contentio & rabies Pompeij ac
 Cæsaris fatalis Reipublicæ illius & exitiosa imperio
 populi Romani. Nunciata tum fuere prodigia di-
 uerſi generis plurima, ut scripsit Plutarchus. Nam
 & flammis signa fulserunt quæ uix potuere restin-
 gui. Et aduolarunt corui tres cum pullis, quos cum
 in confectu exercitus laniassent & frusta quædam
 deuo-

deuorassent, reliquias in nidos abstulerunt. In templo autem cum aurum sacrum mures arrofissent, unam æditimi ceperunt, quæ capta quinque musculos peperit & ex eis tres deuorauit. Quod autem maxime admirabile uisum, cœlo sereno, sonus tubarum auditus est, clarus & lugubris, ut omnes metu exanimarentur. Tyrreni tum uates, ætatem nouam alterumq; sæculum appropinquare atq; impendere, & mutationem mundi portendi pronunciarunt. Fuit autem Sulla neq; turbulentus neq; crudelis minus quam aliis quisquam principatum armis adeptus. Cæsar quidem etiam clementiae & mansuetudinis laudem obtinuit, ignorando & parcendo parti aduersæ & uictis. Sed Sulla ciuitati suæ tanquam fera bestia immissus, cum hanc omni genere immanitatis conscidisset, & summa rerum fuit potitus, & primus Romanorum Tyrannus, sicca, ut dicitur, morte, decessit natus annos LX. cui omnia quæ unquam in uita sua aggressus est & incepit, prospere successerunt, & finem habuere felicem. Si felicitas est, contingere alicui quicquid expetiuit, quemadmodum cen' et Antigona Sophoclis, hac sententia, ut nos sumus interpretati,

Multis Tyrannis alijs felix rebus est,
Et facere huic quicquid omnium libuit, licet.
Etsi his uersibus felicitas angustior & quasi restrixtior quedam memoratur. Quæ hanc potestatem tantum tribuit regno, ut eo potienti facere liceat
quod

Silla

Cajav

Silla

NB

fricitas ty
rannorumTyrannus
felix

quod libeat . Illa uero Sullana, & secundos ueluti uen-
tos habuit fortunæ, quibus omnia quæ ausus Sulla es-
set facere, proueherentur ad speratos exitus. Non
facinus nefarium tardauit cogitationes ipsius, non hæ-
sit conatus in scelestâ actione, nunquam animus im-
pia fraude concipienda instruendaq; dubitauit. Di-
uina humanaq; omnia seruire libidini unius hominis
coacta, Felicis cognomen ipsi pepercunt. Qui
Ἐπαφρόδιτος Græcis scribens se appellaret, ut rea-
tulit Plutarchus, quasi uenustum dicas, & fauore atq;
gratia præditum. Cum ille fuerit & in hostes saeuifa-
simus, & erga ciues insolentissimus. Amicis quoq;
& necessarijs leuiter offensus asper atq; immutis. neq;
ferre aduersantes sententiæ ac uoluntati suæ, & utilia
monitorum præcepta per iniquo animo admittere &
pati. Quo more tyrannides in primis cum confir-
mantur & crescunt, tum ualidæ & robustæ, ciuibus
sunt acerbæ & graues. Sed eadem prauitas omni-
bus ferè exitio etiam esse solet. Non enim saepe effu-
git iniusta potentia & violentum regnum, pœnas
quas oppressores ciuium & immansueti domini in-
terdum persoluunt atroces. Neq; plures à Græcis
numerantur quam tres tyrannides transmissæ ad su-
am posteritatem. Cum innumerabiles, ijs qui tenuer-
unt mortem exitiumq; aut certè exilium attulerint.
Sed durauisse traduntur ad nepotes, Gelonis in Sici-
lia, Corinthi Cypselidarum, & in Bosphoro Leucani-
orum dominatus. Atq; fertur Dionysius Dionysij F.
aliquan

Dionysius
aliquando dixisse, iam ille quidem è Tyranno exul,
et è superbo humilis factus, In Tyrannide esse plus
mali quam fando explicari posset. Sed unum omni= Silla in
manitas
secunda.
um deterrimum atq; pestilentissimum, quod neq; fer= Digital
Institute
rent Tyranni liberam orationem suorum, neq; fami= 15
liares Tyrannorum illa uti auderent. Ita fieri ut ob= stitute
sequendo et assentando Tyrannica peruersitas atq;
pernicies aleretur, et deinde cœca rueret in omne
nefas, scelera, flagitia, turpitudinem, donec in interi= Digital
Institute
tum tandem deferretur. Et quidam ex ueteribus re= stitute
gibus, cum quodam tempore aberrasset à suis, et ad
rusticum quendam ignotus diuertisset, Ibi primum
se dixit, de sua gubernatione ueri quiddam audiuisse.
Sed redeat expositio ad Sullam. Hic est Sulla, qui
instituit subscribi edicto eorum nomina, quos è medio
tollendos esse decreuisset, a scriptis præmijs que in= Digital
Institute
terfectoribus et indicibus persoluerentur, cum inter
minatione supplicij, quod sustinerent uel cœlantes uel
subleuantes proscriptos. Terribilis fuit immanitas sae= Digital
Institute
uitiae istius, et ipsa crudelitate et nouitate violentiae.
Cum neq; causa cuiusquam cognosceretur, et for= Digital
Institute
tuito impetu nefariaq; libidine uictoris corriperen= Digital
Institute
tur atq; trucidarentur quilibet. Nam neq; genus
atq; conditio hominum certa, neq; numerus definitus
erat eorum qui prescribebantur, ut metus quidem
impenderet aniuersis, clades autem modo hos modo
illos corriperet. Quorum alij de improviso iugula= Digital
Institute
bantur ubi comprehensus quisq; esset, domi forisue,
in regi=

Catilinaria
coniuratio

in regionibus aut angportis urbis, in foro, in templa. nullus enim locus sanctus erat, aut perfugium tutum habebat. Quin etiam aliqui abijcentes se ad pedes Sullæ, ibi ipso præsidente conculcabantur & interimebantur, multitudine ita consternata, ut ne uomidem emittere doloris aut miserationis auderent. Qui uero fuga se præsentim morti subduxissent, ij tota Italia discurrentibus centurionibus ad cædem conquirebantur. Neq; pauciores tum tam in prælijs cecidisse, quam postea occisos esse traditur, milibus centum, ciuium Romanorum. Cum quidem superioribus annis & Asia magna ex parte & Græcia tota perdita & euersa fuisset, Athenis potissimum grauis simè afflictis, nulla in re iniuriam & uim suam Sulla uictore abstinente, hoc uno excepto quod urbem solo non æquauit. Ita egregius Imperator ultus fuisse perhibetur iocos quorundam & dicta in coniugem suam Metellam. Post Sullanus Reipub. dissipaciones, Catilinariæ coniurationis nefarius conatus, non magno negocio sed industria singulari M. Ciceronis repressus fuit. Hunc acerrima contentio & cruentum certamen de principatu inter C. Cæsarem & Cn. Pompeium secutum, ciuitatem Romanam ante labefactatam & inclinatam deiecit & euertit. Nam ea magnitudo & tanta moles rerum fuit, ut primo impetu moueri aut una agressione couelli non posset. Itaq; diu ac multum allisa & secum ipsa conflata tandem mutato pristino statu ad regiu formam potens

potentissimi illius quidem, sed simul etiam superbissimi atq; insolentissimi redacta fuit. Quod tempus est conspirationis trium virorum post occisum C. Caesaris, ad Rem publ. uerbo quidem constituendam & ordinandam, re autem ipsa funditus euertendam atq; dissipandam. Quo, ut propositum erat, quid præcipue calamitatis perpessus sit orbis terrarum, & uariæ fortunæ hominum exempla aliquot sumus deinceps commemoraturi. Vnde poterit intelligi, ab irato quidem DEO multiplices interitus immitti generi humano, quorum euentus fortuitos esse non modo aliqui suspicantur, sed sunt etiam qui differendo probare nitantur. Ex eoq; hoc factum est, Lu- verus dit in humanis diuina potentia rebus. Sed nos, ut su- prædictum est, hac in parte doctrina cœlesti instituti, ueritatem non ignoramus. Inter tristia autem & aduersa & mala, ut sunt damna tempestatum, nau- NB fragij, incendiorum, rapinarum, furtorum, quæ facul- tates comminuant & frangunt, & morbi, pestilen- tiæ, uenena, ictus morsusq; bestiarum, quæ corpora lædunt atq; interimunt, hinc quoq; cognoscere licea- bit, nihil esse deterius neq; nocentius impetu & uiol- lentia hominum, in bellis & seditionibus, quo non modo fortunæ, sed uita etiam eripitur, & cum ciuita- tes totæ, tum populi sæpe & nationes delentur, ut oblitum hominem societatis generis sui & iuris com- munit, & hostiliter affectum erga alios, perniciosissi- simam & maximè exitialem & atrocissimam pestem esse

esse appareat. Sed nunc deinceps narratio procedat & Lectori hæc atq; his similia cogitanda relinquantur. Cum igitur Octavius filia sororis C. Cæsar is natus & adoptione ipsius filius, priuignus Philippi, uaria fortuna usus, & deceptis simulatione benevolentiæ cum alijs tum M. Cicerone, & reliquijs Reipub. debilitatis, cum M. Antonio, & Lepido tandem se coniunxit, omnia tum repente mutata fuerunt, tam in urbe Roma quam Italia tota, uniuersis copijs Cæsarianis per illorum consensionem in corpus exercitus unius collectis atq; conflatis. Fuerat iam tum & Trebonius Smyrnæ trucidatus iussu Dolobellæ, & Decimus Brutus Albinus, uel, secundum Dionem, comprehensus muliebri animo mortem obierat, uel, ut Appianus scripsit, desertus à suis cum ad quendam Gallorum regulum nomine Camillum, (quem alij natione Sequanum, Capenum uocant) confugisset, proditus ab hoc pariter interierat; Antonio mandante, qui quidem ium humaniorem aliquanto se præbuisset quam Dolobella. Hic enim, uel ut Cicer o ait, excruciatum Trebonium occidit, uel certe necatum contumelijs affici passus fuit, Antonius uero in illa mutatione fortunæ inopinata, neq; aspicere sustinuit Decimum, & caput illius ad se missum humani iussit. His igitur duobus ex eorum numero qui C. Cæsarem trucidauerant, è medio sublatis, ingens belli moles restabat, à Cassio & Bruto, qui principes fuerant consilij de morte Cæsar is, Et potiebantur longis-

longissimarum terrarum ac maris tractu, à Syria ad Macedoniam usq; Exercitusq; habebant magnos tam pedestres quam equestres, & classes numero ac instructione nauium formidabiles. neq; pecunia de- rat. Legiones quidem sub signis ducebant uiginti. Quanquam autem ista adhuc pericula impenderent Cæsarianis, Tantus tamen furor & ea confidentia partium fuit, ut rebus omnibus suspensis ac dubijs, in contrariae factionis ciues interea cædibus, & in patriam direptionibus crudelissime se uirent atq; grasearentur. Imitantes illi quidem Sullanæ proscriptiōnis, de qua supra dictum est, immanitatem. Cæsar tum Octavianus cum Antonio in gratiam redijt, & ad persequendos interfectores patris conspirauit. Congressi autem primum fuere in insula fluuij ad Bononiam parua & huncili. Renum autem nominant Bononiæ amnem, cum Appianus Mutinæ & Labieni fluminis fecerit mentionem, contra omnium aliorum narrationes. Neuter alteri adhuc confidebat. Itaq; utriusq; exercitus instructus, & ad confli- gendum paratus astitit. Ipsi cum trecentis singu- li ad pontes fluuij processere. Affuit tum Lepi- dus, atque is præmissus explorauit in Insula omnia, cumq; tutareperisset, signum dedit iactatione Chla- mydis, quo uiso uterq; ad pontes fluuij acceſſit, ibi q; trecentis illis relictis tanquam custodibus, ita in me- dium processerunt & concederunt, ut in suorum una- dig; essent conspictu. Cæsar inter Antonium &

C

Lepidum

Lepidus

Lepidum assedit, quod esset Consul. Duobus diebus
ab ortu Solis ad occasum cum essent collocuti tan-
dem conuenit: Ut consulatu se Cæsar abdicaret sur-
rogato sibi in reliquum anni tempus Ventidio. Le-
ge autem decerni ipsis tribus nouum imperium pla-
cuit, consulari potestate ad annos V. Nam Dicta-
toris nomen usurpandum non putarunt, uel quod
tres Dictatores esse non possent, uel quod Antonius
legem tulisset qua Dictatorem, deinde dici prohibe-
retur. Quod ad magistratus annuos attineret, ho-
rum designationem ad annos V. sibi reseruarunt.
Prouincias partiti fuerunt hoc modo. Gallia tota
tributa Antonio. Lepido Pyrenæi & Hispania.
Cæsari Africa, Sicilia, Sardinia & cæteræ Insulæ.
Cum Caßio & Bruto bellum gerendum sumserunt
Antonius & Cæsar. Lepido Consule designato in
annum sequentem ut Urbis & Italæ custos ipsis ab-
sentibus remaneret. Itaq; in Hispaniam Proconsu-
lem alterum mittendum esse statuerunt. De exerci-
tu Lepidi, Legiones tres relictæ ipsi, quatuor tradi-
tæ Antonio, tres Cæsari. Exercitum autem censue-
runt cum alijs pollicitis de felicitate uictoriæ confir-
mandum, tum diuisionis agrorum, Quæ ut esset ad
spem præclara & magnifica decem & octo ciuitates
nominatim militibus promissa fuerunt, quæ profligati
hostibus tanquam ui captæ ipsis addicerentur.
Ex his præcipue & opulentissimæ fuere, Capua,
Regium, Venusia, Beneventum, Nuceria, Ariminū,
Hippo.

Hippo. Visum etiam fuit inimicos è medio tollere,
ne uel præsentibus uel absentibus & externo bello
occupatis negocium facesserent. Horum syngrapham omnium recitauit Cæsar, excepta mentione
proscriptionis, acclamante exercitu qui mirifice latetatur concordia illa. Prodigia tum multa nunci-
ata fuerunt, sed hæc imprimis. Canum obsceni latratus. Lupi in urbe uisi. Bouem etiam ferebatur
locutam & infantem modo natum, quædam uerba
pronunciasse. Statuas sudasse & sanguinolentas uias. Tremitus & fragores auditos hominum & equorum
nemine apparente. Signa etiam in Sole esse con-
specta tetra, inq; his tres Soles apparuisse paulatim
coëuntes in unum. & lapidibus pluisse, & crebracē
cidiisse fulmina, tactis templis & simulacris. Quæ
Senatus decreto procurari cœpta, & consulti Aru-
spices fuerunt. Quorum natu maximus respondisse
fertur, Regnum rursum ut olim Romæ futurum esse,
& seruituros omnes præter se. atq; ita, quod ipsum
quoque porten'osum habitum, represso spiritu &
clausso ore cum expirauisse. Post hæc congressi illi
tres uiri perscripserūt nomina eorum quos interfici
oporteret, uel à potentia & autoritate suspectos, uel
odio inuisos. Permitarunt autem suos etiam an-
cos & propinquos cum inimicis, concedentes alijs
alijs, non in illa prima proscriptione tantum, sed po-
stea etiam. Nam adieicti aliqui semper deinceps fue-
re prioribus, uel qui inimici essent, uel amicorum

prodigia

13

aduersarij uel aduersariorum amici, uel saltem diuitijs abundantes. Quod ad tantas res gerendas quanta erant in manibus indigerent pecunia, uectigalibus Asie iam arreptis à Cassio & Bruto, quibus & Reges tributa conserrent, cum Europa & potissimum Italia exactionibus esset exhausta, Itaq; & plebi & sexui muliebri imposuerunt grauissima onera pensionum cum rerum uenalium nomine tum alijs innumerabilibus. Quin etiam compertum fuit, proscriptio nis alicui caussam fuisse elegantem villam, aut domum præclaram, aut amoenos hortos. Numerus uniuersorum proscriptorum & electorum fuit Senatorum circiter CCC. Equitum circiter bis milles. In his fuere & fratres & cognati tam ipsorum trium virorum, quam eorum qui in exercitu principes erant, qui ex his aliquem forte offendissent. Atque banc turbam profecti Romanam proscripturos esse constituerant, sed tum præceteris statim obtruncari uoluerunt certos quosdam quibus essent maximè infensi numero XVII. interq; hos M. Ciceronem. Ex his quatuor repente occisis, alijs inter epulas alijs obuiam progressis, cumq; reliqui omnibus in locis quererentur, tam sacrarum quam profanarū ædium, tumultus horribilis excitari, & nemine designato, unusquisque se quæri metuere, deq; salute & uita simul desperare uniuersi. qua in trepidatione erant pleriq; qui animis efferatis iam aliquid conari & facere inciperent, priusquam ipsi paterentur, & incendiis

cendia atq; cædes struerent, & omnino aliquid actū
 fuisset, nisi Pedius Cos. apud quem testamentum C.
 Iulij Cæsar is depositum fuerat, nocte illa tota discur-
 risset & præconia fieri curasset, quibus monerentur
 omnes, ne in se prius quisquam durius aliquid consu-
 leret, quam palam fieret quid sperandum metuen-
 dumue esset cuicq;, id quod secutura statim die cognos-
 sci posset. Atq; ita quidem ille motus repressus fuit,
 Pedius autem XVII. nomina proscriptis tanquam
 autorum ciuilium bellorum & certam spem fecit
 omnibus, non esse ulterius animaduersionem proces-
 suram, ignorans commentorum inter tres uiros. Sed
 Pedio cum labor & defatigatio illius noctis uitam
 ademisset, intrauerunt urbem tres uiiri tribus diebus
 continuis, singulis singuli, cum cohorte prætoria-
 na & legione una. Dispositoq; exercitu locis op= pedius
 portunis & signis fixis, in medio armatorum comita-
 tia habita fuerunt, & P. Titius Trib. plebis legem
 tulit ad populum, de imperio nouo triumuirorum,
 quod illis decerneretur consulari potestate ad quin-
 quennium, constituendæ Reipub. gratia. Hæc lex
 neq; promulgata antè more maiorum, neq; suffragi-
 orum die præstituta, ita tum perlata sancitaq; fuit.
 Ac nocte secuta proscriptio in locis Vrbis diuersis
 edita aliorum centum triginta illustrium uirorum,
 & paulò post aliorum centum quinquaginta. neq;
 non additio aliqua indies fiebat, ut opinio esset prius
 proscriptis iniuriam non factam, neq; temere quic-

C 3 quam

pedius Cos.

pedius

lex primi
Gata de no
mo impio
Triumvir
vovum

quam aut re inconsiderata gestum esse. Iubebantur autem interfectores capita cæsorum mercede certa proposita ad Tres uiros deferre. Merces erat libero pecunia, Seruo insuper & libertas. Cogebanturq; pati omnes ut ædes explorarentur, quiq; aduersaretur, aut cælaret proscriptum, is eadem pœna tenebatur. Proscriptionis exemplum tale fuisse accepimus. M. Lepidus, M. Antonius, Octavius Cæsar, Tres ad constituendam et ordinandam Rempub. Viri, edictum proposuerunt. Nisi in perfidia improbi ope aliena indigentes miserabiles uideri uellent, subleuati autem pro beneficijs odium & insidias rependerent, Neq; ij C. Cæsarem interfecissent, quos iure belli captos, motus ille misericordia conseruarat, & amicorum loco habuerat, & affectos maximis muneribus, ad imperia honoresq; euexerat: neq; nobis necessitas offerretur ut hoc pacto nos gereremus erga omnes simul qui nos per contumeliam hostes iudicarunt. Cum uero intelligamus tantam esse hominum malitiam, ut nulla humanitatis mansuetudine, quicquam profici posse uideatur, edocti & C. Cæsaris casu, & insidijs quibus nos sumus petiti, optimum esse statuimus inimicorum conatus occupare, priusquam circumuenti euertamur. Quocirca nemo hoc factum ut iniustum aut crudele aut inimane accusare debet, intuens ea que ex C. Cæsar, & nos pertulimus. Nam Caium, qui Imperator esset Pop. Rom. & Pontifex, & qui terribiles domuisse imperioq;

perioꝝ; Romano subiugasset gentes, & primum ma-
re extra Herculis columnas innavigabile antea cre-
ditum, ingressum, & ignorantum terrarum inuenientia-
rem, eum igitur in medio sacrosancti Senatus consensu, & Deorum immortalium conspectu obtrunca-
runt, confossum uulneribus XXIII. illi quibus bello
in suam potestatem redactis uitam ipse concesserat,
& inter quos fuerant haeredes aliqui bonorum ipsius
testamento scripti. Cæteri perpetrato scelere, par-
ricidas non modo non affecerunt supplicijs, sed impe-
ria & exercitus his attribuerunt, Quorum adiumen-
to illi profectum uectigalia populi Romani corri-
piunt, tum copias aduersum nos comparant. Quin
etiam à Barbaris hostibus Romani nominis auxilia
accersunt, & ciuitates subditas imperio Pop. Rom.
partim resistentes populantur, firroꝝ; & igne ua-
stant, aut diripiunt, partim terrore oblato adducunt
contra patriam & nos ipsos. Horum iam unus &
alter meritum supplicium dedit, reliquos, Dijs adiu-
toribus, breui datus esse cernetis. Cum autem iam
maximæ res peractæ nobis sint, cumq; teneamus His-
panias & Gallias & Italiam totam, unum restat ad-
huc negocium, ut Interfectores Caij ultramare bello
persequamur. Bellum igitur cum sinis pro uobis
externum gesturi, In hoc certamine tam uestris quam
nostris rebus neutquam consultum fuerit, aliquos re-
linqui à tergo hostes qui immincent nobis absentia-
bus, quiq; aucepentur temporum occasiones quibus

contranos utantur. Istorum autem causa haud constari potius & tantas res differre oporteat, quam si mul e medio illos remoueri uniueros, cum ipsi quidem autores sint belli aduersum nos, quippe qui tam nos quam exercitus nostros decretis suis hostes iudicauerunt. Atq; illi tot milia nobis ciuium interemerunt, neq; Deos reueriti, neq; hominum odio moti. Sed nos neq; multitudini iratos nos ostendemus, neq; supplicium de uniuersis inimicis sumemus qui uel aduersati uel etiam insidiati nobis fuerunt, neq; diuitias, opes, dignitatem arripiemus, neq; imitabimur Imperatorem superioris temporis a quo plurimi morte multati sunt, cum eodem ille modo quo nos Rempub. bello intestino constitueret, quem Felicem appellastis propter rerum gestarum prosperos euentus, tametsi enim necesse sit plures reperiri inimicos trium quam unius. Nos tamen iniurias ulciscemur in solis ijs quos & deterrimos & omnium malorum autores esse arbitramur, idq; non tam nostra quam uestra causa. Necesse enim est durante contentione dissidij, uos in medio atrociter affligi. Par etiam est consolationis aliquid militibus nostris conciliari irritatis contumelia inimicorum communium a quibus illi hostes iudicati fuerunt. Quamuis autem possemus pro nostro arbitrio inuadere quoslibet, satius tamen esse putauimus proscriptos potius quam ignaros aggredi, idq; uestra causa, ne ira militum etiam in insolentes forte grassaretur, qui cum certum & definitum

finitum numerū habituri sint nominum, ab alijs iussu nostro abstinere manus uiolentas cogentur. Quod igitur felix faustumq; sit, eorum quorum huic edicto nomina subscripta sunt, Neminem quisquā ad se recipiat, neue cælet, aliquóue ableget, neu pecunia se, ut adiuuet, corrumpi finat. Qui indicatus fuerit conservasse aut subleuasse aliquem, aut conscius esse, eum omni defensione & uenia negata, inter proscriptos & ipsum referimus. Volumus autem capita cæsorum ad nos deferri ab interfectoribus, & præmia persolui, libero C. Sestertia, seruo libertatem & Sestertia quadraginta, & successionem in locum domini. Eadem præmia & indicibus tribuentur. Neq; ullius nomen in acta referetur, ne cognoscantur. Tale quoddam edictum proscriptionis illius propositum fuisse perhibetur. Prima autem proscriptio Lepidi fuit, & primus proscriptorum frater Lepidi, Paulus. Secunda Antonij, & secundus proscriptorum auunculus huius Lucius, quod hostes primum sententijs horum iudicati essent. Sed utrumque conservatum fuisse Dion scripsit, cum Paulo fratri Lepidus concessisset ut exularet Miletī, & Iulia mater Antonij Lucio fratri uitam à filio impetrasset. In alteris tabulis, (duæ enim tum fuerunt propositæ, una in qua essent scripta Senatorum nomina, altera in qua cæterorum.) In his igitur alteris tertio & quarto loco proscripti legebantur, Plotius frater Planci Cos. Des. & Quintus sacer Asinij. Neq; ideo so-

lum alijs isti propositi fuere quod dignitate & hono-
 ribus excellerent, Sed ad terrorem potius omnium,
 ne quis sperare auderet se eripi impendenti periculo
 posse, cum talibus uiris non parci uideret. Fuit inter
 proscriptos & Turanius, quem tutelam gessisse Cæ-
 saris Octauiani ferebatur. Simul autem tabulis pro-
 scriptorum propositis, occupari portæ Vrbis, &
ea loca qua egressio pateret, Itemq; portus & pa-
ludes, & quicquid loci fugæ occultationisue oppor-
tunitatem habere existimabatur. Centuriones au-
 tem iussi, ubiq; discurrentes uestigare & scrutari
 omnia. Quæ cuncta cum uno momento fierent tri-
stissima illa rerum in Vrbe & tota Italia facies fuit,
 ut quisque subito ad cædem rapiebatur aut iugula-
 batur. Nam & repentinæ compræhensiones &
multiplices interfectiones fieri, & capita deferris sub-
 lata ut conspicerentur, & trepidatio esse ingens,
 & fugatupis, & obliuio dignitatis pristinæ. Nam
 fuere qui in puteos desilirent, aut in latrinas cor-
 reperent, aut in furnis & subter tegulas atque
imbrices sese occultarent, ibi q; cum profundissimo
silentio residerent. Neque minus quam ipsos per-
 cussores plerique metuebant, uel uxores iratas,
 uel offenso liberos, uel etiam libertos ac seruos,
 uel eos quibus mutuam pecuniam dederant, uel
uicinos cupidos prediorum suorum. Tum enim
 tecta ante odia libere undiq; erumpabant, & mirifica
 commutatio fortune erat, cum Senatores, Consu-
 lares

lares, Prætorij, Tribunitij uiri, & illorum hono-
rum pettores, se ad pedes seruorum suorum cum la-
mentis abiicerent, & ab his tanquam à dominis ui-
tam salutemq; peterent. Sed maxime erat miserabi-
le, si perpeSSI ignominiam istam repellerentur neque
exorarent domini seruos. Cumq; ante oculos om-
nium generum mala essent, tamen alia forma hæc erat
calamitatis quam esse coniueuit, seditionum inter ci-
ues aut hostium externorum impressionis. Non
enim tum contraria factio aut hostis formidabatur
& perfugium domesticum quærebatur, Sed suos 22
quisque peius ipsis percussoribus pertimescebat, qui 22
ipſi quidem metu liberi, pro familiaribus fierent ho-
stes, uel exulceratis pridem animis & odio tum erum-
pente, uel præmiorum ſpe ipſos incitante ad facinus,
uel etiam auri argentiq; cupiditate in domo locuple-
te. Nam ob hæc plæriq; infideles suis fuerunt, oca-
cione præsentis lucri omnem misericordiæ ſenſum
oppidente. Benevolentes autem & fideles, si qui
reperirentur, eos deterrebat acerbitas poenæ, quo
minus succurrere suis, aut celare, aut conſcijs esse au-
derent. Atq; in contrarium tunc conuerti euentus
prioris formidinis de illis XVII. Nam quod tum
nominatim nemo proscriptus eſſet, ſed ſubitò aliqui
corriperentur, metus inuaderat uniuersos, itaq; con-
iungi & parare illi ſeſe ad opem auxiliumq; ſibi fe-
rendum. Publicata autem proſcriptione, alij statim
prodeabantur & deferebantur penitus, alij metu pro-
prio

prio soluti, atq; etiam spe emolumentorum invitati, indagabant proscriptos conducti à percussoribus, Cætera uero multitudo non eodem modo animata erat. Leuiores enim domos eorum qui interficiebantur, diripere ex illo commodo ad probandas proscriptiones allici. Honestiores autem diligenter in consideratione percelli animis ex obſlupescere, cum admirabile uideretur cogitantibus, alias ciuitates à seditionibus pessundatas, ex concordia conseruatas fuisse, Suam uero principum dissensione euersam, in concordia tanta mala perpeti. Moriebantur autem alij pugnantes cum percussoribus pro uita sua, alij his neutiquam resistentes, quod scirent non illos sibi necis autores esse, sed Triumuirorum acerbitatem. Fuere qui abstinerent à cibo, ex fame sua uoluntate consumerentur. Fuere qui laqueo finierent uitam, aut abicerent se in mare ex fluviis, aut præcipites darent de tectis, aut insilirent in ignes, aut præberent ceruicem percussoribus, aut hos etiam cessantes accerferent. Alij turpiter abscondi, aut supplices fieri, aut pecuniam policeri percussoribus, ex qua uis ratione moram nectere, ex retardare instantem mortem. Non etiam nulli contrauoluntatem Triumuirorum cæsi fuerunt, uel per errorem uel per insidias. Erat autem interenti signum proscriptum eum nō fuisse, si caput ad corporis truncum apponatur. Nam proscriptorum capita pro rostris collocabantur, ubi ex præmia percussoribus per-

persoluebantur. Neq; erat inferius studium singularis uirtutis quorundam, liberum, coniugum, fratribus, seruorum, conseruandi suos, & omnia ad salutem illorum tentandi, quorum aliqui etiam ipso mori unà cum suis aduersante fortuna conatibus, uoluerunt, alij illis cæsis sibi mortem insuper consciuerunt: Ex ijs uero qui præsentem interitum uitauissent, quidam nauibus fractis in mari perierunt, undiq; grauante eos fortuna, quidam postea mirabiliter reuocati & honores consecuti sunt & præfecti exercitiis, cum bella gesserunt tum deuictis hostibus triumpharunt. Ita tempus scilicet illud quasi ostentationis fuit, euentuum incredibilium & inopinatorum, primus ex ijs qui magistratus tum gerebant, necatus fuit Saluius Trib. pl. quem Magistratum legibus olim sacrosanctum fuisse scimus, & potestate ea præditum, ut Consules etiam in carcerem duci iubarent. Hic Saluius acerrime aliquando aduersatus censentibus hostem appellandum Antonium, postea per omnia Ciceronis uoluntati inseruxit. Atq; tum cognita conspiratione & aduentu Triumvirorum, amicos & familiares ad coenam invitauit, cum significatione se non saepe deinceps cum ipsis futurum. Irrumpentibus autem militibus, plæriq; conuiuarum exilire & tumultuari, Centurio uero, quiescere ius sis omnibus, arripuit capillo Saluium, & in mensam protractum quam longè protracto ad plagam opus erat, caput illius amputauit, cæteris silentio cum in terminata

Saluius

terminatione similis supplicij indicto. Itaque reli-
quam illi noctem inter funestas ad cädauer Tribuni
plebis epulas taciturni & exanimes mctu accubue-
runt. Post hunc Prætor Minutius cum haberet in
foro Comitia, audita fama aduentus militum, exilire
statim & buc illuc circumcursare & quærere secum
ubilatere posset. Interea cum ministros & licto-
res dimitteret, neq; illi celeriter discederent retinen-
te & misericordia & pudore, ita in officinam quan-
dam illapsum facile milites peruestigarunt. Alter
Prætor Annalis, qui præhensaret pro filio petente
Quæsturam suffragaturos, ab amicis & lictoribus
qui cognouissent in tabulis nomen ipsius ascriptum
esse, desertus, configuit in domum clientis sub urbe
paruam & ignotam. ubi cum in tuto esset, filius su-
spicatus id quoderat, patrem illud perfugium quæ-
suisse, adduxit milites, qui ipsum interfecerunt. Fi-
lius autem & ædilitatem à Tribus uiris & possessio-
nem bonorum paternorum adeptus, cum aliquando
rediens à cœna ebrius forte in eos milites quibus du-
ctor ad cædem paternam fuerat, incurrisset, iurgijs
ortis ab illis fuit interfectus. Turanius Præturam
gesserat. Is habebat filium adolescentem luxu il-
lum quidem perditum, sed qui multum apud Anto-
nium ualeret. Hic ab irruentibus militibus petiit ut
cædem differrent donec filius pro se apud Antonium
deprecaretur. At illi ridentes, Quin deprecatus
fuit ille, inquiunt, sed contra actu arbitraris. Tum
senex

senex re intellecta impetravit ut filiam alloqui liceat. Quæcum aduenisset, Cœue, inquit, partem tibi postules de meis bonis, ne te etiam frater tuus ad mortem ab Antonio deposcat. Atq; ita ipso obtruncato, non diu post patrimonio turpiter absunto, peculatus filius damnatus in exilio miseram uitam finiuit. Cicero uerò (qui post C. Cæsarem, tantum potuit quantum unus ex Oratoribus unquam) interfici iussus unà cum filio, fratre, fratri filio, & amicis ac familiaribus uniuersis, nauigio consenso ceperat consulere fuga sibi. Sed impatiens iactationis, reversus in Formianum, acquieuit. Cum autem milites non longè à villa abessent, qui illum quærebant, (nam cupidissimè interitum eius Antonius expetebat, & studiosissimè ab inseruentibus Antonio hic uestigabatur) Corui in conclave, ubi forte somnum capiebat Cicero, inuolantes, & excitare illum clangore & uestes eius mordicus appræhendere. Ibi serui diuinitus significari aliquid credentes, in lecticam impositum dominum denuo ad mare referre instituerunt, semita occulta & dumosa. Verum huic illic discurrentib. militib. & sciscitantibus, ecquis Ciceronem uidisset, alij omnes narrarunt iam nauem eum concendiisse, & in altum esse prouectum, unus tantum cliens aliquando Clodij acerrimi inimici Ciceronis, P. Lænæ Centurioni paucos milites adducenti, illam semitam monstrauit. Qui cursu leticarios assecutus, cum comitatum esse magnum cerneret,

Cicero

cerneret, callidè inclamare quasi sequentes aliquos Centuriones, & iubere illo accedere. Tum seruiterti quod plures affuturos mox esse suspicarentur, pro domino propugnare destiterunt. Ibi Læna, qui aliquando causa capitali à Cicerone defensus fuisset, accurrit & prolatum caput ascidit, tertio ictu, cum etiam resecaret, quod imperitus esset plagæ infligendæ. Amputauit & manum dextram, qua orationes scripsisset dictas in Antonium, titulo Demosthenico, Philippicarum. alij, id quod opinione sapientiae & uirtutis tanti uiri dignum est, retulerunt, paratos seruos pro domino dimicantes omnia extrema subire atq; perpeti, ab ipso Cicerone prohibitos & repressos fuisse, nudante & offrente ultro ceruicem percussori. quod ideo uerius quoque uideri debet, quia Liuius narrare non est ueritus, qui & ambas manus præcisæ & intra has caput pro rostris fuisse positum, tradidit. Hac cæde patrata, alij equis alij nauibus festinare ut optatum primi nuncium Antonio afferrent. Læna autem præsidenti in foro Antonio caput de longinquo ostentans & concutiens exhibebat. Quo uiso læticia elatus Antonius, corona ornauit Centurionem & præmium auxit, datum enim huic fuit decies, ut à quo is esset imperfectus, quem inimicum & aduersarium maximum atque infestissimum Antonius habuisset. Caput autem Ciceronis & dextra pro rostris diu affixa pependit, ubi in uita ille eloquentiæ suæ præclara sæpe opera ediderat,

ediderat, Sed tunc plures ad uidendum, quam olim
ad audiendum concurrerunt. Narrat Dion Lænam
propter caput Ciceronis expressam picturam cædis
ascriptis nominibus posuisse, ut non audiretur modo,
sed spectaretur etiam facinus. Fertur Antonium ca-
put Ciceronis in mensam collocari iussisse epulanti
oblatum, donec satietas etiam caperet aspectus &
contemplationis, mali quod inimico se autore acci-
disset. Fulvia autem arreptum caput Ciceronis cum
uerborum exquisitis contumelijs, ante oculos super
genua sua collocauit, & ex ore suis manibus aperto
linguam extraxit, & acu pungens lacerauit, inter
multa fœda conuicia. Hic finis fuit uitæ Ciceronis,
cuius nunc etiam ab omnibus eloquentia celebratur,
& qui uiuus maximis in rebus utilis patriæ, tunc &
mortem talem pertulit, & mortuus ea contumelia,
quam retulimus, affectus fuit. Sed filius Ciceronis,
interitum euasit, quod ablegatus iam ante fuisset ad
M. Brutum in Græciam. Quintus uero frater, una
cum filio compræhensus, petijt ab interfectoribus, ue-
se ante filium obtruncarent. Filius autem contraria-
se ut ante patrem. Ibi interfectores se litem direm-
tos esse cum dixissent, alteri altero arrepto, & signo
dato trucidarunt ambos simul. Dion refert, occula-
tum fuisse à filio patrem, & potuisse euadere peria-
culum: Sed cum depræhensus filius torqueretur, ne-
que tamen patrem proderet, recognita patrem, ad-
miratione pietatis & talisq; misericordia impulsu-

Ciceronis
filii,

D

ipsum

ipsum se indicasse. Egnatius pater & filius inter se complexi ita uno ictu ambo occisi fuerunt, & capitiis abscissis trunci in complexum mutuo hærentes relicti. Balbus filium præmiserat ad mare, ne coniunctorum in itinere fuga esset manifestior. Cum autem quispiam nunciasset, siue insidiose seu per ignorantiam, filium esse comprehensum, rediit domum pater, & interfectores ultro accersiuit. Periit autem filius quoq; fracta nauis in mari. Ita diuinitus cum urgeri calamitates uisæ. Aruntius ægrè persuaserat filio, ut fuga consuleret uitæ suæ, quod sine patre se discessurum esse filius recusaret. Cum autem deducto illo ad portam mater recuerteretur ad curandum funus marito, & simul cognouisset in mari occubuisse filium, impatiens doloris inedia uitam suam finiuit. Atque hæc exemplare tulimus tam proborum quam improborum liberum. Fratres autem duo Ligarij proscripti, in furno occultabantur. Sed reperti à seruis fuerunt. Atq; alter statim occisus. Alter elapsus fuga cum audijisset fratrem sublatum, de ponte in fluuium se precipitauit. Cumq; exceptus fuisset à piscatoribus, qui non desiliisse, sed delapsum eum esse suspicarentur, contendere cum illis & sese in fluuium impelleare. Sed impar uiribus, ad piscautores qui conseruarent conuersus, Non uos inquit mihi salutem tribuitis, sed uobis undà mecum accersitis interitum, quod proscriptus sim. At illi ne sic quidem eum amittere, donec milites custodes pontis re intellecta accurreverunt.

runt & caput Ligarij superstitis amputarunt. De duobus alijs fratribus, unus in fluuium sese abiecerat, cuius corpus seruus cum quæsiuisset studio se, tandem illud reperit die quinto, & cum facies adhuc agnosce retur, caput spe præmij abscidit. Alter qui in latrina occultaretur, indicatus fuit à seruo. Cumq; imperfectores latrinam subire nollent, confossum illum hastis extraxerunt, & inquinatum caput delecuerunt, ne tantum quidem morati ut sordes abluerentur. Alter cernens coripi fratrem, accurrere, seq; ante illum iubere interfici. Tum Centurio qui de libello rem omnem nosset, æcum, inquit, postulas, nam & tuum in tabulis ante istum nomen proscriptum est. & hæc locu:us illo ordine iugulauit ambos. Ligarium quendam occuluerat uxor, cum autem ancillæ arcano ministerio uteretur, prodita ab hac res fuit. Tum illa caput uiri auferentes sequens, clamare, se eum recepisse & texisse, ideoq; pari supplicio affici oportere. Cum uero nemo ipsam uel interficere uel deferre uellet, ipsa se Tribusuiris indicauit. à quibus dimissa propter dilectionem mari- ti, sibi mortem inedia conciuit. Atq; hæc quidem frustra conata maritum conseruare superstes illi esse noluit. Aliæ autem nonnullæ fructum amoris coniugalis tulerunt, conseruatis maritis. Aliæ nefarie insidiatæ fuerunt uitæ coniugum. Inter quas una nupta Septinuo adulterum habebat quendam Antonij amicum. Quod cuperes autem uxor fieri adul-

Ligarius

D 2 teri,

teri, per hunc impetravit ab Antonio, ut uir suus inter proscriptos referretur. Hoc cum cognouisset Septimius uxoris indicio, ignarus ille quidem domestici mali, fuga se in suas ædes recepit. At uxor tanquam benevolentiae affectione, fores undiq; clausit, & ita tanquam in custodia virum habuit, donec interfectores aduenirent. Eodemq; die & hi Septimium interfecerunt, & nuptias illa celebrait. Salassus fuga elapsus, cum inopia premeretur, rediit noctu in urbem, non nihil iam sævitia remittente. Vendita autem domo, solus ianitor qui una cum domo uenierat, herum agnouit, & in suum conclave cum recepit & aluit, ut potuit. Tum Salassus petijt accersi uxorem ex ipsius domo. Quæ simulans se quidem accedere ad maritū gestire, uereri aut ne aduentus in nocte & ad alios & ad ancillas suspicionem pareret, promisit se interdiu uenturam esse. Postri-die illa accersiuit interfectores, & ianitor prodijt ut hortaretur cessantem eam properare ad maritum. Interea Salassus proditionem metuens, tectum con-scendit. Vnde cernens aduentantem cum interfecto-ribus uxorem, se de tecto præcipitem dedit. Fulius confugerat in ædes ancillæ, cuius consuetudine usus fuerat, & quam manu userat, & cui insuper dotem dederat. Hæc tot affecta beneficijs prodidit Fuliu-m, æmulatione impulsa, quod postea alteram ille duxisset. Sed exempla malarum fœminarum hæc retulisse satis esto. Statius autem Samnis, qui magnas res

Salassus

Fulius

res gesserat bello sociali & ciuibus plurimum pro-
fuerat, propter uirtutem & nobilitatem generis &
opes in senatores populi Rom. relatus, proscriptus
fuit & ipse, quod diues esset, iam annum agens
LXXX. Hic domum patefecit undiq;, & alia tam
suos quam alienos exportare iussit quae quisq; uellet,
alia ipse proiecit, atq; ita domum incendit, cum qua
multa alia aedificia tum conflagrarent. Capito totas
ianuas aperuit, & patefactis illis cum interfictores
irruerent singulatim, multos occidit, sed illis confir-
tim irrumpentibus, compluribus cæsis tandem &
ipse occubuit. Vetulinus manum collegit satis ma-
gnam, circum Regiū, tam de proscriptis ipsis quam
horum asseclis, itemq; de illis **XVIII.** ciuitatibus,
quæ addictæ iam uictori militi, ut attribuerentur con-
fecto bello, admodum indignabantur. Cum his Ve-
tulinus obuiam procedere discurrentibus ad cædes
centurionibus, & illos è medio tollere, & tandem
contra se exercitu misso, ne sic quidem ab incepto
destituit. Quin etiam mare traiecit & ad Pompeiū
recipientem exules se contulit, & bellum gessit acris-
ter, donec multis prælijs uictus filium una cum alijs
proscriptis ad Mamertinos ablegauit, Ipse autem
iam in uadis sua naue adhærente, insiliit in hostes &
confossus ab illis interiit. Naso proditus à liberto
quem amauerat, rapuit ensem ab uno ex mulitibus &
proditore solo interemto præbuit ceruicem inter-
fectori. Quidam autem seruus fidelis domino suo,

D 3. hoc

Capito

Vetulinus

Naso

hoc super colle quodam deposito ad mare abi erat ut
nauigium conduceret. Reuersus autem & conspica-
tus cediberum ac iam exanumari, exclamans, here,
inquit, paululum perdura, & repente impetu in Cen-
turionem facto illum intererunt, & mox se ipsum quo-
que, tantum locutus, solatum habes. Lucius quispi-
am, duobus libertis quibus in primis fidem habebat
aurum tradiderat, & ad mare tendebat ut fuga salua-
tem quereret. Illi cum dilapsi eum deseruissent, des-
peratis rebus, rediit & se ultro indicauit atq; obtu-
lit percussoribus. Lahenus qui Syllana proscripti-
one compræhendisset & necasset multos, indignum
scilicet ratus, non eandem fortunam fortiter perpeti,
processit domo & ibi in sella confedit opperiens per-
cussores. Cestius occultabatur ille quidem in agro
apud suos qui fideliter eum tuebantur. Sed transcur-
rentibus cotidie Centurionibus qui capita cæforum
deferrent, impatiens diuturnæ formidinis, persuasit
suis ut rogum struerent atq; incenderent ac dicerent
illud funus curari domino mortuo. Quod decepti
cum fecissent, ipse in rogum insiliit & interiit. A-
pronius cum esset in tutis latebris, non tulit uictus
tenuitatem, seq; percussoribus ultrò tradidit. Alius
quispiam proscriptus in conspectu omnium uersa-
batur, sed percussoribus cessantibus, ipse in medio
omnium laqueo se suspendit. Lucius Asinius qui tum
consulatum gerebat, sacer, fugiens in mari uehebas-
tur, cumq; non ferret molestiam iactationis, ipse sese
in mare

in mare præcipitauit. Sisinium fugientem & claman tem se non esse proscriptum, sed insidias strui sibi quod esset diues, adduxerunt percussores ad tabulas, & iusserunt ipsum legere nomen suum, atque ita interfecerunt. Aemilius ignorans se esse proscriptum, cum cerneret alterum à Centurione peti, percontatus fuit, Quisnam ille proscriptus es set? Tum Centurio agno cens Aemilium, & tu inquit & ille, atque ambos obtruncauit. Cilo & Decius redeuntes è Senatu, cum audijssent sua etiam nomina in tabulis procriptionum extare, in fugam de formem statim conuersi petierunt portas, cum nemo adhuc illos urgeret. Et concitatiore cursu indica ti, à Centurionibus iugulati fuerunt. Icilius qui aliquid in iudicio de Bruto & Caſio, præſente Cæſare cum exercitu, ſolus palam abſoluerat illos, clam alijs omnibus condemnantibus, Tunc oblitus magna numæ libertatis, admisſuit ſe effrentibus mortuum. Cum autem custodes portarum animaduertiffent plus reſ eſſe uespillones quam conſueuiffent, de illis nihil ſuſpicati, ſandapilam aperiunt & icruntur, quod uiuum aliquem pro mortuo effirri credarent. In terea rixari uespillones cum Icilio quem alienum eſſe dicerent, donec agnatum illum percusſores interemerunt. Varus cum à liberto proderetur fuga periculum uitauerat. Per continua autem montium iuga peruenit in paludes Minturnenſium, atq; in illis

delitescens acquieuit. Minturnensibus autem p^{ræ}
 dones insectantibus & circum paludes usq^a antibus,
 prodiderunt summae arundines concusione sua Var
 rum. Quⁱ comprehensus p^{ræ}donem se esse dicere,
 & condemnari se mortis perpeti. Sed cum etiam
torquere eum uellent, & quæstionem habere de con
scijs, non tulit tantum dedecus, & Interdico, inquit,
 Minturnenses me & consularem, & id quod iam
 pluris est potentibus rerum, proscriptum, uel tor
 queri uel etiam occidi. Si enim effugere mortem
 non licet, p^{ræ}stat hanc obire apud æquales dignitate
& loco. Hæc cum Minturnenses non crederent, &
 fingi putarent, forte illac transiens Centurio Varum
 agnouit, & amputato capite illius, truncum reliquit
 Minturnensibus. Largus comprehendebatur in
 agro, cum quiderrⁱ aliis quæreretur. Miserti au
 tem illius quod cepissent non quæsitum, potestatem
 ei fecere aufugiendi per silvas. Ibi incidit in alios,
 quos insequentes incitato cursu fugiens sponte sua
 obtulit se alteris à quibus fuerat ante dimissus. Et,
 uos, inquit, me interficie, quos misertum me fuit, ut
 uestrum sit non istorum p^{ræ}mium. Atque hanc ille
 mercedem humanitati moriens persoluit. Ruffus au
 tem qui haberet coniunctas ædes egregias in uicinia
 Fuliae uxoris Antonij, & postulanti aliquando eas
uendi sibi, negasset, tunc uero donasset, nihil minus
 proscriptus fuit. Cuius caput cum affirretur, non
 ad se pertinere Antonius dixit, & transmisit uxori.

illa uero non in foro, sed ante aedes ipsum proponi iubuit. Alius quispiam uillam habebat egregiam & umbrosam, & specum in ea amoenum atq; profundum. Et haec proscriptionis forte cauſa fuerat. Captabat ille frigus in ſpecu, cum è longinquο accurentes percuſſores, ſeruus conſpicatus in ſpecu intimus recessus dominum abdidit, & illius tunicam induit, & trepidatione aſſimulare ſe illum eſſe. Ac ſucceſſet res, ut pro domino ipſe necaretur, niſi dolus à conſeruo prodiſus fuſſet. Atq; ita domino occido, Non fecit finem populus facti indignatatem deplorandi apud Tresuīros, donec obtinuit ut proditor cruci affigeretur, & conſeruator libertate donaretur. Aterium latenter indicauit ſeruus. Et libertatem adeptus aedes domini præmercari filijs herilibus & his contumelioſe moleſtus eſſe. At illi cum lacrimis ubiq; bunc ſequi, donec indignatione populi moti Tresuīri, reſtituerunt eum filijs occiſi in ſeruitutem, quod abuſus fuſſet concesso iure. Attigit illius temporis calamitas & adolescentiam orbam parentibus. Atq; unus qui in ludum litterarium itabat una cum custode interfectus eſt. nam hic diſcipulum complexus non potuit ab eo auelli, atq; ita ſimul confiſſi fuerunt. Dion, uel huic, uel alteri cui piam, nam nomen reticuit, conſulto togam puram eſſe datam ſcribit, ut quaſtiā uir interficeretur, ad quam ſcilicet etatem proſcriptio pertineret. Atilius modo ſumta togā uirili, ibat ille quidem deducentibus amicis ad

Annius

D s rem

rem diuinam, ut consuetudo ferebat, faciendam. Ad nuncium autem proscriptoris subito omnes tam amici quam serui diffugere. At ille solus de frequente paulo ante comitatu relictus, matrem petijt, à qua cum ne ipsa quidem præmetu reciperetur, nō statuit deinceps alterius ullius periculum fieri oportere, & in montes configit. Tandem fame coactus in apertos campos prodijt, & à prædone captus fuit, & uinctus opus ruri facere coactus. Sed cum laborem perpeti non posset, puer delicate educatus, una cum compedibus in viam aufugit, & prætereuntibus Centurionibus se ipse indicauit, & occisus fuit. Inter hæc Lepidus de Hispanis triumphavit, proposito edito tali. **Q V O D F E L I X E T** faustum sit, iubemus uniuersos utriusque sexus rei diuine & solennibus epulis operam dare hodie, Qui contra fessisse indicatus fuerit, is in proscriptorum numero habebitur. Atq; ita ille triumphum egit, & in capitolium ascendit, prosequentibus uniuersis specie quidem hilari, sed animis infestis. Proscriptorum autem ædes diripiabantur, neq; multi emtores bonorum inueniebantur, quod alij miseris premere uerarentur, neq; faustas emtiones illas fore sperare auderent: Alij non tutum esse arbitrarentur cognoscise pecunia abundare, neq; sibi firmas possessiones polliceri possent. Pauci quidam sine alijs licitoribus paruo quædam admodum mercabantur. Vnde euenit ut principes qui sperassent impensas necessarias belli

belli se conjecturos esse, desiderarent adhuc octingentes. Quæ cum Populo Rom. exposuissent, proscrisserunt statim deinde fœminas Mille quadringentas, quæ potissimum pecunia abundare crederentur. Harum unaquæq; facultates suæ quantæ essent demonstrare, et quod Tres uiri imperassent, pendere debebat. Præfinita et multa erat, siue aliquid aliqua occultasset, seu inique æstimaisset, et præmuin propositum indicio feruorum. Tum mulieres ad principes fœminas configerunt. Et benignè admissæ tam à Cæsar's sorore quam Antonij matre, cum à Fulvia superbè repellerentur, non ferentes illam iniuriam, in forum procurrerunt, et orante Hortensia apud Tres uiros de indignitate exactionis conquestæ, primum quidem relectæ fuerunt iussu Trium uirorum molestè ferentium quod cæteris silentibus mulieres in foro de Repub. uerba facere, et in ipsorum actiones inquirere auderent, Sed lictoribus clamore populi repressis, Tres uiri cognitionem in posterum diem distulerunt. Atq; tum solas quadringentas de numero M. CCCC. iusserunt de æstimatis facultatibus certam summam pendere: Viros autem uniuersos quorum facultates superarent censum equestrem, id est quadringentas, et tertia, statim mutuò dare quinquagesimam partem bonorum, conferre autem tributum annum ad impensas belli. Neq; quisquam exceptus fuit, non ciuis, non externus, non libertus, non sacerdos, et par-

metus.

metus indicij additus. Atq; his malis populis Romanis de edictionibus premebatur. At milites contentis omnibus alia maiora infligebant. Quod enim anima duerterent illo rerum statu principibus omnem salutem in exercitu repositam esse, Et ea illos designasse, ut sine armorum praesidio tuti esse non possent, Audacter uel potius impudenter postulare ceperunt, quod qui que concupiuisset. Hic proscriptorum villam aut agrum aut domum, aut bora uniuersa. Ille ut in aliquam familiam adoptione perueniret. Nonnulli sua quoq; sponte alia parabant, Otruncantes etiam non proscriptos, & spoliantes innocentes, & ab omni criminе alienos. Atq; eo usq; indignitatis res processit, ut principes edicere cogerentur, uideret alter consul ne quid fieret amplius quam imperatum esset, & ut in transgressores animaduerteretur. Hic uero non ausus quicquam in milites experiri ne vim armatorum in se conuerteret, quosdam seruos, qui habitu militari delinquerent, compræhensos cruci affixit. Atque huiusmodi quedam proscriptis infeliciter & calamitose euenerunt. Nonnulli tamen & præter suam spem & aliorum opinionem mirabiliter conseruati, & postea dignitate recuperata honoribus & opibus aucti fuerunt. Quorū proposita consideratione musei narrationem explicandam in præsentia non pustui. Ad istorum autem temporū calamitates non leue momentum accessit, quod harum autores, quasi illudentes,

dentes fœdissimæ seruituti ciuium, quorū cruore oram
bem terrarū contaminare nō dubitarent, et omnibus
pericula exitij atq; interitus creare, hi igitur tum di-
uulgarunt effigiem consensionis suæ, & hac signari
nummū publicū uoluerunt cum inscriptione tali, SA
LVS GENERIS HVM. Post hæc tempora,
annis nō multò pluribus centū, Et Cometa toto anno
uisus est, & apparuit sidus specie ensis, id est, ut exia-
stimo ξιφός. aliaq; fœda atq; horrenda prodigia fu-
erunt nunciata. Quæ tempora sunt rabiojæ imma-
nitatis Neronianæ, qui inaudita ante flagitia atque
scelera fecit, & orbem terrarum calamitatibus com-
pleuit. Monstrum exitiosum generi humano. Qua-
rum rerum historiæ in medio sunt. In eadem inci-
dunt clades stragesq; Iudaicæ. Quæ omnem cogita-
tionum quoq; tristiciam & atrocitatem superant.
Atq; haud alienum foret argumento suscepto, expo-
ni res illas commemoratione nostra. Sed quoniam
& veterum de his historiæ & recentium narrationes
copiosæ in medio sunt, nos quidem referri omnia no-
stra descriptione non putauimus oportere, capitata-
men duximus notanda, ut esset quasi index in con-
spectu miseriae maxime & ingenii malorum, qui-
bus populus ille afflictus, euersus, deletus fuit. Floro
præside, (hinc enim ordiri uisum) in supplices Iudæ-
os signo dato factus est impetus, & tum multi uulgo
obtruncati, omnis ætatis & sexus, cum ne infantibus
quidem pueris parceretur, quidam honestiores capi-

& ad

NB

Cometa

Nero

excidium
indecorum

Florus

& ad præsidem deducti, uirgis cæsi & crucibus afixi fuerunt. Mox seditio orta est, cuius autor fuit Eleassarus Ananæ Pontificis F. prætor templi. Tum copiæ auxiliares Agrippæ, non succurrente Floro, ac gaudente potius belli occasione, fusæ, & n. censa Ananæ Pontificis domus cum regia Agrippæ atque Beronices conflagravit. Curiæ etiam incendio publicæ rerum contractarum litteræ crematæ. Antonia deinde arx munitissima bidui oppugnatione caspta & inflammata. Postea Manaimus Masadæ armario Herodis effracto, instruxit sicciorum copias non paruas, & ductor seditionis, regio apparatus expugnare reliqua, quæ Hierosolymis à Romano & regis Agrippæ præsidiario multe tenebantur, aggreditur. Ibi pactione regis dimissis, Romanii in turres munitas confugere, non nullis interceptis & iugulatis. Tum & Ananias Pontifex captus interfectusq; fuit. Hunc Manaimum sustulit Eleassarus, & præsidium Romanum pactum ut discedere traditis armis, & cæteris rebus omnibus saluis liceret perfide trucidatum fuit, die Sabba*i.* Eodem die Cæsarienses Iudeos uniuersos apud se interfecerunt plures Milibus XX. Ita tota autem Syria fuit magens & exitiosus tumultus, & maxima hominum multitudo necata, & oppida plurima euersa & incensa. Immanis rabies narratur à Iosepho cuiusdam Simonis, qui, cum Scythopolitæ Iudeos incolas urbis suæ circumuentos callide interficere cepisset, ipse

ipse parentes senes, & uxorem unā cum liberis occiderit manu sua, ne ab alienigenis ludibrio haberentur, & ita demum se ipsum iugulauerit. Alexandriæ autem in Aegypto omnis ætatis & sexus caderat coaceruata sunt quinquaginta milium Iudeorum, quos mota seditione mules Romanus trucidauerauit, & aedes illorum direptæ fuerant atq; incensæ. Orientem tum seditionis flammarum cum posset restinguere Cestius, non modo hoc non fecit, sed seditionis orum etiam animo, accepto detimento, confirmauit. Damasceni autem illo tempore interfecerunt, inquilinos Iudeos numero decies nulle. Atq; ita bellum manifesta defectione Iudeorum susceptum est, & Vespasianus à Nerone ad recipiendum Iudeam missus. Hic conspectus statim terrore & desperatione compleuit Galilæos, quos primos aggressus fuerat. Atq; Gadaris captis uniuersos absq; ætatis respectu interfecit, urbe & uicinis pagis atq; uicis omnibus inflammatis. Dum autem Iotapata oppugnatur, in sole scere Iaphæi, aduersum quos missus Traianus, cum capi urbs posset, laudem illam Duci Vespasiano reseruandam putauit. Aduentu igitur Titi res confessa fuit, neq; patriæ uirilis ætatis quisquam superstes remansit, cæsis atq; mortuis Milib. XV. Et Samarias in monte Garissino cum armis congregatos, Cerealius concidit qui fracti & debilitati astu atque siti, tamen in ditionem uenire Romanorum noluerint. Cecidere horum Milia XI. fescenti. Mox

Cestius

et Iatapata capta, post oppugnatiōem incep̄tam, die circiter XL. Ip̄aq; urbs cum omnibus munitionib; euersa atq; diruta, imperfectis toto tempore quo oppugnata fuit, quadraginta milibus uirorum. Iosephus autem dux Galilæi exercitus in potestatem hostium uenit. Hic est Iosephus qui ip̄se suæ gentis calamitatem et exitium litteris mandauit, expositis copiose omnibus sermone Græco non inelegante. Interea iij qui hostium manus euasissent, aut elapsi es- sent de alienatis urbibus instaurantes loppes, et hunc receptum munientes ad prædas, mare infustum latrocinij reddiderant. Sed celeriter conatus iste repressus fuit, cum collecta multitudo partim in mari, partim in littus electa interiisset, ad quatuor milia, ducentos. Taricheis autem et in lacu Gennas sereta, cecidere sex milia quingenti. Cæteri cum in potestate Romanorum uenissent et deprecarentur ab illis salutem, Vespasianus morem tum gesit iracundiæ suorum, et honestari prætulit id quod utilitatem habere credebatur. Iussis igitur his se conserre Tiberiada, cum et sua secum efferrent, et ueniam impetrasse se considerent, In stadio congregatis omnibus, trucidati fuere senes et qui nulli usui essent ad mille ducentos. Iuuenes delecti sescenti, et missi ad opus perfodiendi Isthmum à Nerone institutum. Cætera multitudo circiter triginta M. quadrangenti uenierunt. Post hæc captis Gamalis, quod nomen ex Camelo pronunciando deprauatum est,

est, non sine Romanorum detimento, Et urbs illa di-
rata & omnes incolæ uel ferro hostili, uel suis ipso-
rum manibus & præcipitio in primis interierunt,
neq; euaserunt istam stragam plures mortales, cuius= =
cunque sexus & ætatis & conditionis, quam mulie- =
res duæ. Numerus autem mortuorum attigit decem
M. Inter oppugnationem tamen audaciores aliqui
elapsi Hierosolyma se contulerunt. Cuius quidem
quasi appendix fuit Itaburij montis occupatio. quod
negocium datum fuerat Placido. Gischala autem
cum pestis populi Iudaici Iohannes animaduerteret
defendi non posse, facta spe deditiois, excessit noctu
urbe, cum factione armata, sequentibus & alijs popu
laribus cum uxoribus & paruulis liberis. Peteban
tur autem Hierosolyma, ubi si bellū duceretur, prin
cipatum spe deuorauerat Iohannes. Mane Tito, qui
ad occupationem urbis à patre missus fuerat, portæ
ab incolis, qui magna ex parte agricolæ essent, aper-
tæ, & ut liberatori Tito gratiæ actæ, & indicata fu-
ga seditionis orum. Eam rem Titus, & se deceptum
moleste' ferens, partem equitatus iussit insequi fugien-
tes. à quibus ad sex milia uirorum imperfecta, mulie-
res & pueri capti circiter ter mille. Iohannes tamen
cum præcipua turbulentorum manu Hierosolyma,
ut urbi & genti exitio esset, peruenit. Illis tempo-
ribus, omnia ubiq; loca seditionibus plena erant, &
partium studia contentiones cruentas incendebant.
Fauebat autem ferè Iuuentus ijs qui imperium populi

E Romani

Romanis recusabant. Seniores intelligentes periculum, paci studebant. Tum et domus atq; familiae et populi distrahebantur, et concurrebant ij quorum similes erant uoluntates, et res ad direptiones et cedes progrediebatur. Praefidia autem Romana, illa fieri uidebant et patiebantur, donec seditionis rum copiae Hierosolyma accesserunt. Vnde ueteri consuetudine nemo excludebatur Iudaicæ nationis. Neque legitimum ullum imperium tunc Hierosolyma habebant. Ibi igitur seditioni, (qui se specioso nomine Zelotas appellabant, quo significaretur ardor animi parati omnia facere et perpeti pro patria religione.) Illi igitur Hierosolymis congregari, et nefaria violentia summam rerum capessere, comprehendereq; et interficere quoslibet, tanquam fauentes Romanis. Ritus etiam religionis pro arbitrio mutantes et templum profanantes. Quibus cum cæteri duce Anano sene pontificiæ dignitatis uiro se opposuissent, Iohannes is cuius supramentionem fecimus, fraudulentie se cum ciuibus et Anano coniunxit. Et horum consilia prodens Zelotis, et mendacio hos de proditione ac minis Anani iritans, persuasit eis ut Idumæos accenserent, gentem mobilem et procluem ad arma capienda, et qui in aciem prodire tanquam ad pompas sacrorum solerent. Horum uiginti milia tum aduenerunt. Eaq; re comperta, clausis portis, Ananus uerbis placare frustra multitudinem effrenatam, conatus, in defendendæ urbis

urbis consilio permanxit. Sed nocte illa imbribus & terræmotu & tonitruis horribili, à Zelotis portarum repagula dissecta fuerunt, & ualuis apertis admissi Idumæi, qui hostilem crudelitatem exercentes, rapinis & cædibus uastata urbe, cum aduentus iam & facinorum pœniteret, discessere, & Zelotarum rabies maiorem sæuitiam in ciues adhibuit. Qui igitur poterant fuga elabebantur. sed hæc per quam difficilis erat propter accuratam custodiam, Pecunia tamen à diuitibus illa redimebatur. Cæteri uero depræhensi iugulabantur, & abiiciebantur corpora insepulta. Ferebatur tum ueteres prædixisse, tunc ab hostibus urbem captum, & crematum iri templum, cum seditione orta intestinæ manus Deo consecratam ædem polluissent. Neq; minus ubique in Iudæa grassabantur latrones. Vespasianum autem nihil horum quidem fugiebat, sed malebat Iudeos seipso conficere proprijs viribus, quam periculum in eis superandis adire. Tandem precibus clapsorum & misericordia oppressorum, & indignatione rei motus, exercitum ad urbem constituit adducere, eo tempore quo feriae celebrabantur quorum nomen Azyma. Prius oppidis compluribus occupatis, plurimis etiam euersis, & uastatis passim agris, & diuersis in locis obtruncatis milibus hominum XX. & ingente capta multitudine. Hæc dum mouet, nunciatur Neronem esse interentum. & mox Galbam. itaque Vespasianus oppugnationem

Hierosolymorum distulit, in solicitudine de patria, adoriri alienos intempestium ratus. Interea Simon Gioræ filius homo in primis audax ad omne facinus, ex manu promptus, neq; minus quam Iohannes improbus, sed non tam callidus, collectis latronum copijs, ex exercitu instructo, grauiter afflixit Idumæos, et regionem eam ferro & igne uastauit. celeriter furorem crudelitatis illorum Deo ulciscente. Hunc animaduertebant Zelotæ principatum sibi querere, ideo aduersari conatibus ipsius. Romæ autem dum Nerone è medio sublato, et Galba trucidatur, et Otho imperiū occupat, et uictus à Vitellio se ipsum interimit, Vespasianus ex superioris Idumææ locis occupatis atq; uastatis agris, ductu Cerealij, et reliqua Iudea in potestatem redacta, equo Hierosolyma usque prouectus fuit, cuius oppugnatio iam restabat et parabatur. Sed nihilo minus circum Hierosolyma Simon formidini erat suis, qui elapsos uim Zelotarum excipiebat ac iugulabat. Iohannes uero qui licentiam infinitam libidinū atq; scelerum ijs quasi mercedem retribuerat, quorū opera obtinuerat principatum, offensa multitudine, quæ et inuidet illam potentiam Iohanni et sæuitiam odiasset, caussam dedit seditioni, quæ atrocissima orta fuit, et hac occasione alter Tyrannus Simon accersitus et admissus. Cum autem Vespasianus Imperator à militibus appellatus, ad Vitellium opprimendum, et hoc sublato ad iter Italicum curam adhiceret, liberius uexandi Hierosolyma

Hierosolyma fuit sceleratis ciuibus potestas. Atque imperio Vespasiani confirmato, ipse Romam contendit, Titum filium conficiendi belli caussa cum exercitu in Iudeam misit. Qui legiones & equitatum uniuersum cum auxiliaribus copijs adduxit, cum in tresiam partes distracta manu armatorum Hierosolymis, ipsi urbem popularentur & expugnacionem præpararent Romanis. Unius factionis caput erat Iohannes, Alterius Eleassarus, qui ab hoc defeccerat, Terriæ Simon dux Latronum. Hi cum admoto proprius hostium exercitu cœpissent consentire ad defendendam urbem, rursum disiuncti fuere dissidentia & odio. Dumq; urbs circumuallatur, ipsi intus fœdas strages ediderunt, sanctissimis potissimum ferijs Paschalibus. Tandem Eleassarus cum Iohanne se coniunxit. Uniuersarum copiarum numerus fuit ad uiginti tria milia quadringentos. Cum autem & aries iam murum percussisset, oblieti iniuriarum suarum, omnes ad propulsandum hostilem impetum conspirarunt. Interea & fames necauit innumeros, & armatorum immanitas in urbe terribilis fuit. Ac tandem ijs sceleribus editis, & ita afflita ciuitate, ut nihil simile unquam accidisse compriatur, multitudineq; ingente extra urbem capta, & tota regione crucibus completa (nam comprehensè hoc supplicio afficiebantur) cum neque solum crucibus neq; corporibus cruces sufficerent, ab ijs autem qui obsidebantur, admirabili audacia uel potius

rabie per desperationem tanquam deuotis memora-
bilia facinora facta essent, tandem Titus uallo & fos-
sa urbem undiq; cinxit, & inclusos ad deditonem
penuria rerum ad uictum necessariarum, qua iam
grauiter premebantur, compellere instituit. Nume-
rata fuerunt cadauera fame mortuorum sescenties
mille, quæ elata & abiecta constabat. Cæterorum
numero inexplicabili. Fames autem ita dira fuit,
ut cingula & uincula atque alutas calceamento-
rum, & clipeis detractum corium & fœnum man-
derent. Quin etiam mater depræhensa est, quæ la-
ctentis pueri assis carnibus uesceretur. De coacerua-
tione autem cadauerū, alitus pestilens etiam cœlum
infecit, & luem commouit. Quamuis autem potuisti
set potiri Titus urbe, si obsidionem urgeret, Tamen
mutato consilio oppugnationem instaurauit, & fuit
tandem templo inflammato, & omnis generis, con-
ditionis, ætatis, sexus, plurimis cæsis, tota urbs capta,
euersaq; & diruta. Iosephus oppugnationis huius
tempore capta esse scripsit Iudæorum nonaginta
septem milia, interisse centum & decem milia.
Hoc bellum confectum fuit Hierosolymis captis, VI.
Id. Septemb. post Christum proditum & crucifi-
xum annis circiter XL. cum altero iam anno Ves-
pasianus rerum potiretur. In Iudaico triumpho
candelabrum illud singulare populi istius, & uasa
sacra prælata, & multiplice effigie uulgata uictoria
fuit, percusso nummo, in quo exprimeretur & in-
scribes

scriberetur, IV D AE A CAPTA. Cometa
 etiam, id est, ut Suetonius, stella crinita apparuit die-
 bus plurimis, paulò ante Vespasiani Imperatoris
 mortem. Quo tempore cum alijs in locis tristia ac-
 ciderunt multa, tum in Campania horribilia & mi-
 ra. Nono Calend. Septembri fumus primum &
 densi vapores subito conspici & mox magna uis
 ignis erumpere e monte Vesuuio, & pumices atque
 fracti igni lapides, ut ait Plinius, cum cinere. monsq;
 totus & uicinum solum horribili motu quat, & sul-
 furea flamma omnia compleri. Est autem mons
 Vesuuius, quemadmodum Dion ait, ijs, quæ interpre-
 tati sumus, uerbis, uicinus Mari ad Neapolim, scatena-
 tibus fontibus ignis plenus. Hic olim fuit altitudine
 & equabili sublimis, & de medio uertice tantum, qua
 ardebat, flammæ emicabant, cæteræ partes, ut ante
 sic nunc quoq; ignis expertes. Haec igitur cum non
 exurantur, attenuentur autem & in cinerem redi-
 gantur mediæ, fastigia cætera circum medium uer-
 ticem adhuc retinent, sed ille igne consumitus tempo-
 re subsedit, quasiq; excavatus uidetur, & ut parua
 magnis conferam, iam totus mons Theatro uenatio-
 num similis est. Atq; loca summa extremaq; cum
 alias arbores multas, tum uites habent. Sed circus
 ille destinatus ignibus, interdiu fumum, noctu flam-
 mam emittit. dicas multos & uarios in illo odores
 incensos flagrare. Fit autem hoc semper, modo mas-
 gis modo minus. Verum si quando confessim atque

argé subsedit, tum et cineres ejiciuntur, et violentia flatuum saxa. Sonusq; et fragores audiuntur, quod meatus spirituum non obturatos et densos, sed laxiores et occultos habeat. Atq; mons Vesuuus talis est, et istiusmodi in eo singulis annis crebro fiunt. Quamuis uero, quæ proximo tempore acciderant, ea esse ingentia, et excedere usitatæ obseruationis modum uiderentur, parua tamen, si conseruantur ad illa quæ tunc singularia contigerunt, ducenda sint. Constat enim uisa uirorum multorum, immanni et humanam naturam superante proceritate, qua Gigantes specie pinguntur, partim eo in monte, partim in regione propinqua et uicinis oppidis die noctuq; ap paruisse, tam uagantium in terra, quam per cœlum gradientium. Secutiq; sunt aestus squaloresq; horribiles, et uebementes terræ motus, ut solum omne illud ebulliret et promontoria exultarent. Sonus autem subter terram audiri tonitruo similis, supra terram mugitui. Accedebant fremitus maris et cœli strepitus, et subito fragores diri, quasi montes corruerent. Eruperuntq; primum magnitudinis immensæ saxa, quæ ad promontoria usque elijciebantur. Mox copia ignis maxima, et fumus abundantia infinita, ut non modo Sol prorsus occultaretur, quasi defectione, sed totum cœlum caligine et tenebris obduceretur. In noctem igitur conuerti dies, et de luce existere caligo. uidebanturq; sibi quidam uide re Gigantes illos impressionem facere (multa enim
I*huius*

huiusmodi simulacra in fumo apparebant, & insuper tubarum sonitus audiebantur.) Quidam suspicabantur esse tempus quo mundus concideret & reuerteretur in chaos, aut igne consumeretur. Itaq; fugam parare, alij ex ædibus in vias, alij qui foris essent intro se recipere, nec non è mari in terram, & è terra in mari se coniucere. Sed & alij animis erant perturbati & quicquid abesset id tutius præsentibus arbitrabantur. Simul autem hæc fieri, simul uerbis non enarranda cineris copia efflari, qui terram, mare, cœlum totum occupauit. Atq; cum alia, quemadmodum fors tulit, damna labesq; factæ in hominibus, agris, pecudibus, tum pisces & aues cunctæ delectæ, & oppida duo Herculanium & Pompeij, in Theatro sedente multitudine obruta sunt. Pulueris autem tanta uis fuit, ut inde & in Africam & Syria am atq; Aegyptum peruenierit, & Romanam accesserit, ubi toto cœlo replete, obscuratus Sol, & metus non leuis fuit, diebus pluribus, cum neq; scirent homines quid accidisset, neque conjecturam facere aliquam possent. Credebantq; & ipsi omnia sursum deorsumq; ferri, & Solem in terram delapsum extingui, terram in cœlum ascendere. Cinis quidem tum Romanos non admodum læsit, cum pestilentia diræ postea caussa fuerit, sed anno sequente, longè lateq; incendium in urbe uagatum est, absente Tito Imperatore, calamitatem Campanam considerandi gratia. Tum & Serapidis & Isidos templa, itemq;

Neptuni, & septa, & balneum Agrippæ, & Pantheum, & Diribitorium, & Theatrum Balbi & Pompeij scena, & ædes Octauianæ conflagrарunt unà cum libris, itemq; templum Iouis Capitolini unà cum fānis adiunctis. atque adeo non humanae conditionis fuit illa calamitas, sed diuinæ iræ atrocis declaratio. Licet autem unicuique coniucere ex ijs quæ enumerata sunt, quæ nam præterea illa clade perierint. Hæc fermé Dion, uel is potius qui scripta ipsius in breuiores narrationes contraxit. Eadem autem tempestate diuersis in partibus orbis terrarum & terræ motus & uariæ labes factæ & pestilentialia sœua, & aliæ multiplices calamitates mortali bus infestæ fuerunt. Hinc longo sane interuallo nobis discedentibus, libuit mentionem proximam Cometæ facere eius qui conspectus esse traditur integrō mense Anno Christi D. XCIII. Quando & siccitatis exitialis squalor & locustarum agmina, & dira famæ, cum alia loca orbis terrarum tum Italiam imprimis uexarunt, læserunt, uastarunt, affligerunt. Sed nihil accidit tum deterius neq; exitiosus aut intolerabilius, quam defectio nefaria & impia secta, cuius autor & confirmator fuit Mahometes Arabs, quem esse natum perhibent Anno Christi D. XCVII. uel ut alijs placet, DC. Confertur autem tempus quo regnare cepit Mahometes de mentia errorum depravatis & captis specie religio nis Sarracenicæ nationi hominibus, in annum Christi

stl

stisescentesimum XXII. Cum faciant Arabes huius regni initium, quando relictā Mecca Madinam ille inuasit, Annum ab orbe condito sexies millesimum centesimum nonum. Sed de annorum distinctione nunc non est propositum neq; locus disserendi. Ad Cometam igitur tum uisum reuertor prodigium & ostentum maximē dirum atq; infelix. Romani enim Imperij dignitas autoritasq; atq; potentia tum penitus corruere euertiq; ac obteri cepit. Sedbas narrationes explicare non lubet. Indicandum autem putauimus & illud tempus calamitosum & miserum, quo & doctrinæ ueritas amplius corrupta, & Ecclesiæ administratio in potentiam gubernationis mutata est, & disciplina degenerauit; & reliquum nomen Imperij infamatum, & maiestas diminuta fuit, cum successit Henrico patri Henricus III. Quibus temporibus Pontificum Romanorum iniquitate & scelere maximis bellis occasiones & causæ datæ sunt. Et robur Germaniæ Francorum & Saxonum fortissimæ gentes commissæ, sese mutuis uulneribus conciderunt. Debilitatæq; & fractæ uires præstantissimæ nationis Germanicæ nunquam deinde potuerunt instaurari. Tum igitur & anno Christi M. LXVIII. & M. XCVII. Cometae apparuerunt. Perhibetur & Cometes insigni magnitudine ultra tres menses conspectus esse, Anno Christi M. CC. LXIII. & alter mox post annos XXXVII. Et rursum alter tribus mensibus

mensibus uisus anno Christi M. CCC. XIII. Et
postea alter anno Christi M. CCC. XL. Et de-
inde alter anno Christi M. CCC. LIII. Quibus
temporibus cum orbem terrarum uariè quasi la-
befactatum legamus, et genus humanum multipli-
cibus cladibus affectum, bellis, fame, incendijs, pesti-
lentia, religione interim pene ad extremam supersti-
tionem prolapsa, cetera cognoscere uolentes illorū
temporum historias poterunt requirere, quæ sunt in
medio. Nobis uisum est Ptolemaidos cladem, quæ
communis fuit totius nominis Christiani exponere,
quod tantam rem nondum compererim à quoquam
accuratè esse literis mandatam. Hæc urbs Cœlosy-
riae seu Phœnices, nomen uetus habuit Ace, quod et
retinuit unà cum illo nouitio. Traditur autem Her-
culem ita eam nominasse, quod uulnus inflictum ipsi
ab Hydra eo loco persanatum esset collocasiæ medica-
mento. Hæc cum et admirabilibus operibus munis-
ta, et opibus potens, floreret uiris præstantissimis,
generis nobilitate, et laude uirtutis, secundis rebus
et fortuna prospera elata, sibi exitium nominiq; Chri-
stiano calamitatem, et uiciniæ interitum attulit.
Eam rem ita esse gestam accepimus. Erat in ciuitate
Mercatorum ordo is, ut ceteræ nobilitati existima-
tione æquaretur. Tantis diuitijs propter amplissi-
ma negocia abundabat. Iis temporibus ardebat
certamina partium Gibellinarum et Guelfarum, Pi-
sanij illas, bas, Genuenses sequebantur, et se se mutuis
detribu-

detrimentis maximis afficiebant. Huius detestabili pestis quasi fluctus ciuitatem istam tum etiam inundarunt, & odia capitalia contentionesq; pernicioſas excitarunt. Capita autem erant Genuenses & Pisani, qui opibus & potentia cæteris in illa ciuitate tum præstabant. Crescentibus autem, ut fit, iniunctijs, res ad hostiles oppugnationes processit. Inter quas scelerata cupiditate utriusque partis euerendi alteram, cum Sarracenis fœdera facta & sociates initæ fuerunt. His cognitis Vrbanus Pontifex solitus de summa rerum, quam in maximum discriſmen uenire istis diſſidijs intelligeret, ciuitati præsidium ultra mare misit, conducta mercede XII. milia. Hi abutentes licentia militiæ, & quiete temporum illorum, quibus inter Christianum nomen & Sarraſenos induciæ & conuentiones quædam erant, in ocio multa fœda facinora & flagitia facere. neq; inatus continere se in turpitudine ac libidine ulla, & fœris rapinis operam dare, & prædas agere, uiatores ſpoliare, contra fidem pactorum Sarracenos affigere. Quapropter tandem principes horum multis iniurijs prouocati, cognitis etiam diſſencionibus Acaeorum, neq; diutius quiescendum, & occasione utendum esse censuerunt. Inter hæc, is qui tum Babylo-
na tenuit Sultanus Melechſaites mortem obijt, cui successit Serapha, seu Sapherapha. Is animo magno & prudentia atque uirtute excellens, conuocat proceres regni, Babylone. Exponit quoties ad illud tem-

pus

Urbanus
Pontifex

pus usque pacta conuenta non sint seruata, neq; diuis
tius dissimulandam esse uim atq; iniuriam aduersa-
riorum. Ipsam quoq; fortunam ulciscendi hostes op-
portunitatem offerre, illorum discordias & inte-
stina atq; domestica bella. Non fuit opus tum longa
oratione, omnes enim consilium statim probarunt.
Itaq; magnis copijs celeriter contractis, ad urbem
Acen populabundus accessit. Neq; quisquam resti-
tit aut occurrit aduenienti, occupatis omnibus pro-
prijs malis & metu suorum. Itaq; & uites & cete-
ræ arbores nemine prohibente, à Sarracenis excise
fuerunt, & ædificijs extra urbem ignis illatus. &
paulò ante cultissima amœnissimaq; regio, uastata
subito uniuersa. Erat tum ex incolis urbis Magi-
ster sociorum Hierosolymitarum, uir sapiens &
fortis, Is propter dissidia ciuium metuens ne urbs
ipsa in potestatem hostium ueniret, cum uteretur
amico atque beneuolo Serapha, obuiam illi inermis
processit, tentaturus an auertere iritatum, & pa-
cem gratiamque reconciliare posset. Atque im-
petrauit ab illo pacem, quæ redimeretur à singulis
in urbe pensione unius Veneti nummi. Magister
cum hac conditione lætus in urbem reuertitur.
Quantum mali impendeat ciuitati non modo ab
hostili impetu, sed suis dissidijs ac factionibus ostendit,
Et qua conditione obtinuerit, ut discedat ho-
stilis excercitus, commemorat. Hortatur ut se tanto
& tam præsente periculo, ita uili impedio liberent.

At

At multitudo fatali uesanis incitata & partium coea
co studio, magnis clamoribus refragari. Ipsum pro-
ditorem appellare, & minari dignum perfidiæ sup-
plicium. Tum igitur Magister æ grè de manibus fu-
riosæ multitudinis elapsus, Soltanum de omnibus red-
dit certiorem. neq; minus tamen ipse cum socijs defen-
dendæ urbis pro sua parte curam suscipit. Soltanus
cum refutari lenissimam postulationem suam audie-
ret, incensus ira, sexaginta ante urbem aggeres ex-
citauit. Et continuis XL. diebus oppugnationem;
conijciendo in urbem saxa & ignes, ursit. Comper-
tam est narrasse quendam qui de turre pro urbe tum
propugnauerit, emissam lanceam in hostium agmen,
in sublimi fuisse machinarum saxis comminutam. Ha-
buit Soltanus in castris ad fessenta hominum M.
His in partes tres diuisis, Centena milia urbem opa-
pugnabant per uices. Ducenta ante urbem sta-
bant expedita ad prælium, & reliqua ducenta milia
subsidio. Interea portæ urbis clausæ nunquam fuisse
perhibentur. Fiebantq; perpetuo prælia à socijs
Hierosolymitis. Sed hostium tanta fuit multudo, ut
excursiones istæ non multum proficerent. Vrbs
ABconseruari tamen potuisset, si ciues concordi uolun-
tate illam defendere uoluissent. Nam & in præ-
lijs ultro una pars alteram deserebat, Et in rea-
pellenda oppugnantium ui neutra adiuuabat alte-
ram, quod singuli se sic habere munitas ædes cre-
derent,

derent, ut suo eas, quemadmodum dicitur, Marte, defendere facile possent. Cum autem socij Hierosolymitæ, qui soli ex animo & fideliter restiterant Saracenis, tandem prælijs crebris attriti & propemodum consumti essent, et fata improbam ciuitatem urgerent, tandem die X L. ex quo oppugnari cepta erat, postridie Calendarum Maij, Sarraceni urbe potiti fuerunt, Anno Christi M. CC. LXXXII. Quæ fuisset caput & ornamentum atque decus omnium in orientis plaga ciuitatum. Hac clade cognita, Tyrij, Sidonij, Ioppæi, Ascalonitæ, & uicinorum oppidorum incolæ, per extremam desperationem, illa loca deseruerunt & trepida fuga petierunt Cyprus. Sarraceni irruperunt Acen, ea parte quæ munita erat regia, cognomento Hierosolymæa, actis cuniculis. Fuit in urbe difficilior expugnatio propter incredibiles munitiones singularum ædium, quæ pro arcibus essent. Sed cum alij alios proderent atq; relinquerent, ciuium scelere magis quam ignauia superiores hostes urbem ceperunt. Dixerunt tum diuinæ iræ inseruisse naturam rerum ad euersionem Aces, quam incolæ nefarijs sceleribus & turpisimis flagitijs & impietate detestabili prouocassent. Terram enim hausisse sanguinem interfectorum. Igne præclarissima ædificia conflagrassæ. Cœlum autem & nubibus obscurum & uapore denso nigrum fuit, adeo ut suppetias quoq; ferre uolentibus prospectus eriperetur. Mare uero illis placidissimis

dissimis diebus, ita commotum improvisa tempestate fuit, ut naues ad terram pleræque appelli non possent. Itaq; desperata defensione urbis, cum ad naues incolæ festinarent multi prius quam in naues recipi possent partim submersi, partim intercepti sunt. In Cyprum tamen plures quam centies mille peruenierunt. Refertur pro uero quod tum acciderit, id quia memorabile uisum est, non putauit silentio praeterendum. Ex nobilitate præcipua matronæ ac uirgines supra quingentas, Quicquid potuere preciosissimarum rerum arripere atq; ferre, id gestantes astitero ad littus, & quam altissima uoce exclamantes orabant, si quis nauclerus accepta mercede omnium quæ portarent, & ex suo numero coniuge quamcunque uoluisset, auderet ipsas transuehere in locum ubi tutæ essent. Tum appulit onerariam nauclerus quidam, ex uniuersas sine mercede transportauit saluas atq; incolumes in Cyprum, neq; ulla inuestigatione reperiri potuit, Quisnam ille nauclerus fuisset, aut quo deinde se recepisset. Aliæ multæ interierunt partim in urbe partim in mari. Sarraceni in expugnandis singulis munitis ædibus cum magnas ltrages edidissent, ipsi etiam grauiter afflicti fuerunt. tantaq; copia cadauerum iacuit in regionibus urbis, ut domus ueluti pontibus horum aceruis iungerentur. Expugnationi interiori urbis mora dierum L. fuit illata. Socij autem Hierosolymitæ uel reliquæ potius horum suam munitionem defenderunt totis

mensibus duobus. Neq; multi ex Sarracenis qui uram
bem intrauerant, uiui inde euaserunt, quin aut rui-
nis opprimerentur, aut telis conficerentur, aut in-
clusi igne cremarentur. Cum autem ui illam muni-
tionem capi posse Sarraceni desperarent, tulerunt
socijs Hierosolymitis conditionem deditio-
nis talem: Ut omnia sua secum armatis auferre, & unica illa
munitione destructa, instaurare urbem liceret. Socij
cum fidem habuissent hosti, ita circumuenti partim
trucidati partim cum cæteris omnibus qui fuga e-
lapsi non fuerant, Babylona captiui abducti sunt.
Et mansit euersa urbs illa in potestate hostium no-
minis Christiani. Sultanus collocauit ibi præsidium,
militum conductorum mercede, quos tradiderunt
uictum etiam quæsiuisse texendo uestes sericas, cum
alerentur uolucribus, in primis perdicibus atq; co-
lumbis, cuius generis ibi infinita esset copia. Hi ali-
quando singulari benevolentia complexi fuerunt
Germanos, quorum faciem & ingressio-
nem statim agnouisse perhibentur, cumq; his ita hilariter uicti-
tare consueuisse, ut contra ritum religionis suæ, una
etiam uinum potarent. Illo bello ab urbe Ace &c
uicinia captiui abducti ad centum & sex milia ho-
minum, cum cecidissent ad milia trecenta, inter quos
non pauciores Sarracenos quam Christianos fuisset
constabat. Huius urbis euersionem deplorauerunt
omnes orientis ciuitates, & more suo, celebrarunt
cantilenis lugubribus. Mulieres etiam omnes uestes
muta-

mutarunt & non nisi nullitate prodierunt in publicum. Cometa esse conspectus traditur Anno Chrtsti M. CCCC. Et rursum alter Anno Christi M. CCCCIII. paulo ante quam Tamuralanus mortem obiit. Et mox de principatu Ecclesiastico tri-
stes controvrsiae fuerunt, & acciderunt ea quæ propter præsentium rerum conditionem dignissima consideratione uideri possunt. Nam tum et, ut dicit solet, intrita fuerunt, quæ longo tempore uarie quasi coquinando, ut Plautino uerbo utar, nista confusaq; uerendum est, ne huic tandem saeculo exedenda sint. Sed inter hæc & bonitas clementissimi Dei uestræ pietatis inuocatione exorari paterit, ut ærumnæ mitigentur implorantibus opem ipsius: Et quæ contemtores respectus ipsius sustinere cogentur, ea animæ duertentes alij, quamuis contagione malorum quasi corripiantur ipsi quoq; quod tamen perfugium sibi pateat, & quibus remedij uti debeant, non poterunt ignorare. Quapropter etiam ista perstringenda duximus enarrando. Quæ intuentes animaduertere poterunt, quibusdam in locis magna miseriaq; uel minus graues & exitiosas accidere, uel omnino declinari euadiq; potuisse, si non urgendo, & incitando corroborarentur, ut serperent longius, & partes Reipub. ijs damnis affligerentur, quæ nunc illi uniuersæ quandam perturbationis uastitatem minantur. Quod si tum quædam propter densissimas errorum tenebras perspici non potuerunt,

runt, miserandi sunt potius quam insectandi illi, qui quosdam uel maximarum rerum ignorantia, uel cupiditatum turpitudine cœcos in ista caligine duces sequentur, et una laberentur uel etiam ruerent. Nunc autem detectis ijs stimulis, quibus tunc occul-tioribus impactæ calces fuerunt, si nubilo minus uebementes esse aliqui pergant, minus etiam uenia digni ipsi uidibuntur, quod non decepti fuerint, sed in perniciem manifestam incurrerint. In omnibus autem fatalibus temporum mutationibus, qualis profecto ea est, in quam incidit ætas nostra, plus cedendo quam aduersando proficitur. Et cum peruicacia, tali rerum conditione, res nocentissima sit, ij primis leniter clementerq; accipiuntur, qui præcepiti ueteris parent admonitioni, quo prohibetur id quod nimium dicitur, et festinatio iubetur esse len-tior. Sed rectissimè faciunt, ij qui fortiter et ferunt quæ necessitas imponit, et adiuuant atq; promouent uera ac bona, uel saltem falsis et malis, aut dubijs et inexplicatis non patrocinantur et opitulantur. In quo tamen et ipso mirabiliter et indignum in modum pleriq; allucinantur. Neq; ea quæ euidentia sunt cernere uolunt, neque intelligere perspicua. Quos etiam improbitas facit callidos. Nam quis exquirunt et comminiscuntur, ne ueritate conuicti superatiq; uideantur. Sed his omissis, historicanos deinceps prosequamur. Iis temporibus igitur, per totam Asiam illa Turcica atq; Persica imperia assiduis

assiduis incursionibus partim euersa partim uastata,
partim mutatione dominorum grauissimè afflictæ
fuisse comperimus. Tamuralanus quasi impetus ful-
minis subita ui inuasit, oppressit, corripuit, perculit
omnia regnum ijs in partibus orbis terrarum lo-
ca. Neque ipso mortuo res uspiam pacatæ fuerunt.
Interea, quasi nihil esset periculi, Pontifex Ro-
manus tanquam seculares ludos indicere, et Iubi-
lei festa atque indulgentiarum merces proponere ac
ubiq; curare ut publicarentur. Quæ res cum quo-
rundam doctorum animaduersionem commouisset,
et audere aliqui cepissent liberius de imposturis et
nugis illis uerba facere, Tantum adhuc potuit auto-
ritas Pontificis Romani, et de illius potestate com-
muniis omnium opinio, ut quicunque reprobendere
aut improbare actiones istas auderent, ij tanquam sce-
lerate et impiè seditiosi, horrendis supplicijs affecti
tollerentur e medio. Qua crudelitate iritati qui-
dam, concurrerunt, et arma ceperunt, atq; misera-
biles strages passim ediderunt. Neq; ego inficias eo,
minimè uera uia illos ingressos, et longius quam o-
portuerit progressos esse fateor, neq; ullum furorem
audaciæ excusandum esse duco, Sed de præpostera-
et inepta atq; perniciosa ratione loquor, quam tunc
initam scimus, ad turbas et dissensiones sedandas.
Cum non fundamenta ueritatis iacerentur, in quibus
pax insisteret, sed mendacia stabilirentur, et super-
stitionum confirmaretur falsitas. Erat is qui tum

rerum summa in Christiani nominis Imperio potie-
 batur, princeps optimus, & multis uirtutibus orna-
tus. Non alienus à cognitione liberalium artium,
 ingenio præditus satis acri atq; festiuo. Humanitate
 autem & usu uariarum linguarum & scientia ser-
 monis externi, non ordinis modo sui, sed omnium pe-
 nè mortalium princeps. In re militari minus exacer-
bitatus, uel minus potius fortunatus. Itaq; bella ma-
 xima gesit ille quidem, sed infeliciter. Religio ei cu-
 ræ erat, cui impendit pecuniam, insumfit laborem,
 operam dedit. deniq; nihil omisit & fecit quicquid
 potuit, ut certamina & dissensiones illæ, quibus gu-
 bernatio Ecclesiastica lacerabatur, componerentur,
 & esset principatus iste certus & inviolatum ius au-
toritatis. De quo nimurum summa erat contentio,
 Pontifex Romanus Dominus ut esset & haberetur
 congregationis Ecclesiasticæ uniuersæ. Quem edis-
 centem, statuentem, iubentem, docentem, audire
 omnes oporteret, tanquam alterum numen in terris.
 Notabantur autem tum paucæ quædam corruptæ
doctrine ueritatis cœlestis, & reprehendebantur ea
 quæ non auderent defendere uel sani uel pudentes.
 Nundinæ inquam ac mercatus salutis, & ueniæ dea-
 lictorum, & reconciliatio fauoris & gratiæ Dei.
 que ita uenibant, ut comparari pecunia uiuorum
mortuis etiam posse affirmarentur. Grauiter etiam
 ferebant plæriq; non esse aliquos ueritos perspicuam
 institutionem filij D E I Domini nostri I E S V

CHRIS

CHRISTI, quam ad mortem abiturus tradidet
rat peragendam & seruandam suis, corrumpere mu-
tilando, et deprauare usurpando. Hæc et bis si-
milia, quæ ad integratatem salutaris doctrinæ in Ec-
clesia pertinerent, cum explicanda, corrigenda, illus-
stranda essent, contrarium plane accidit, Atq; ij à
quibus hæc quasi contrectata fuerant, ita sunt acce-
pti, ut non refellerentur uerbis, sed ferro & igni con-
futarentur, exclusi omni societate generis humani, ad
quos neq; misericordia, neq; caritas, neq; iuris ullum
vinculum, neq; fidei religio pertineret. Quæ teter-
rima caligo cœli tum tristitia est demonstrata. Nam
Anni M. CCCC. XV. Sol mense Iunio defecit,
tantis obductis tenebris ut aues in terram delaberentur,
et siderum fulgor emicaret, non aliter quam
noctu. Hæc igitur omnino uidere rectum & utile
uel salutare potius fuerit, qualia sint, et nunquid pro-
fuisset tum signa multiplicia miseriae maxime consi-
derare, et conuerti ad curam ueritatis, et studium
emendandi detecta & apparentia uitia, Eumq; ho-
norem babere æterni DEI uoce proditis, ut secunda-
dum hæc omnia conformanda esse existimarentur,
non illa ut aliquorum infinitis cupiditatibus & sce-
leri nefario seruire, corrupta illa quidem & detorta
enarrando cogerentur. Et quæ alia pietatis & pru-
dentiae cogitationes solent colligere. Sed nos ad id
quod propositum est peragendum reuertamur.
Mox anno Christi M. CCCC. XXXIII. Et

Qam

A. 1415
solis Br. 15
t. v. u. u. l.

rursum XXXIX. Cometæ uisi. Quæ tempora
sunt, quibus creuit atq; confirmata fuit Turcica po-
tentia, & debilitatæ atque fractæ uires regnorum
Christiani nominis, dissidijs & mutuis certaminibus
potissimum. Ladislai etiam regis Pannonum &
Bohemorum mortem antecessit flamma Cometæ, an-
no M. CCCC. LVI. cum Gallicæ nuptiæ para-
sentur. Obiit annos natus XVIII. florens ætate &
opibus, fortissimi patris filius, indele præclarissima,
non sine ueneni dati suspicione. Quæ autem ubique
perturbationes rerum secutæ sunt, quæ calamita-
tes orbem terrarum peruerterint, de historijs quæ
in medio sunt, poterit cognosci. Etiam ante Frie-
derici patris Maximiliani mortem, Cometa est con-
spectus, Anno Christi M. CCCC. XCI. Et mox
ferè biennio ante mortem Alexandri Romani Ponti-
ficiis, annis post proximè indicatum, nouem. Et
post hunc rursus alter annis VI. cum mortuus est
Philippus Maximiliani F. Et deinde Anno Christi
M. D. XXXI. & sequentibus duobus annis Co-
metæ apparuerunt, quando ea acciderunt, commo-
taq; & incepta, atq; gesta sunt, Quorum & est me-
moria hominum recens, & præsens detrimentorum
sensus. Superiorum autem annorum fulgores Co-
metarum, quam sunt insignes cum summorum uiro-
rum atq; principum, tum exercituum maximorum
interitu, tum etiam ciuitatum urbiumq; exitio &
euersione, regnorumq; potentissimorum pernicie
atq;

atq; labe. Non ferè ullis locis in toto orbe terrarum, non aliquod tristissimæ & miserrimæ fortune datum, aut non inficta est uehementissima plaga. Quæ nos quidem adhuc de sermonibus & nuncijs cognoscimus, sed proprias clades experiundo sentimus. Eas narrando agitare inter nos, & hac commemoratione augere dolorem atq; mœstiam nostram non putui oportere. Ad externos autem celebrare non modo tristiciam acerbitudinemq; rerum nostrarum, sed prodere etiam ea quæ non uacent omni ex parte dedecore & culpa, neque honestum esse iudico, & mihi sanè neutiquam libet, præsertim ita animato, ut assentari nemini libenter uelim omnium, & tam timido, ut quæ partim ipse uidi, partim alijs autoribus & testibus locupletibus competri, ea propter odium eorum, quibus aliqua ad ignorantiam nota forte inureretur, exponere non audeam, & inuidiæ caussa penitus reticenda esse putem. Alij scribant, si qui uolent, sed ita, ut certa atq; explorata mandent litteris, neq; temere audita aut indicata, pro notis & ueris afferuendo narrent. Ad quod profecto & longi temporis spacium, & hominum prudentum atque fidelium usus requiretur. Est autem hoc sæculum cum alijs uitijs sane corruptum, tum uel isto in primis, quod affectionibus incredibilem in modum indulget, & ad id, quod uel in re, uel homine aliquis approbavit improbanitue, omnia mirifico studio applicantur, referendo inter-

pretandoq;. Iam , quicquid forte in mentem alicui uenit, Quicquid oblatum est, uel quod iucunditati, uel quod offensioni sit, Si qua meditando composita fuerunt, si qua astute etiam & fraudulente conficta, Ea audacter uel impudenter quoq; diuulgantur, ex eduntur prohibente nemine. Quem quisque odit aut cui irascitur, eum impune insectando lædit. Cui bea ne uult, eum ornat prædicando gloriose. Deniq; res & negotia de uoluntatis propensione erga personas, estimantur, neq; iudicio aut merito, sed opinione & respectu, aliquid tam laudatur quam uituperatur. Quapropter unumquenq; hortor, ut ipse ea modo quæ accidisse norit & sciuerit, consideret, & secundum hæc statuat tam de hominibus quam actionibus. Et hinc colligat, quibus utili cognitione instruatur animus ipsius. neq; de plerisq; mendo sioribus narrationibus pendeat. Quæ autem ad posteritatem propagentur, in ijs si qui forte erunt boni & docti uiri, qui historiam scribere uoluerint, iij & diligentiae operam nauabunt, & industriae præstabunt studium atq; fidem. Ea autem restare arbitror, præ quibus quæ hactenus euenerunt, ludus iocusq; perhibenda esse uideantur. Id quod νομί μαντική τοῖς πράγμασι, liquet. Quod si de hac recente specie Cometæ, quem modo uidimus nondum obseruata ratione motus, & quid illo fiat futurumue sit, cum adhuc ignoretur, tamen est aliquid dicendum, dici hoc posse arbitror, & bellorum, atq; borum

horum in primis, & pestilentiae mala hoc signo esse metuenda. Ut autem illos ante biennium portentos fulgores huius generis, Aquilonari plague minari calamitates uarias, ab ijs qui prædictionibus operam dant, demonstratum fuit, Sic de ijsdem causis colligi nunc possit, hoc prodigo peti Italianam, & in ea potissimum Romanam, cum & radios illuc tendere uideamus, & in Leonis signo primum apparuisse hunc Cometam constare omnes credant. Huius omnino sideris significaciones præsentes sunt in effectu. Magna enim siccitas & agros squalore & corpora hominum morbis afflit. Cæteroru licet de prioribus coniectura fiat, & diuinet uel ariolando uel considerando qui poterit & uolet. Nunciata autem & alia fuere ijs diebus quibus Cometa fulsit prodigia. Interq; haec arcus nocturni uisi in aëre, & cruces decussatae. Monstra etiam quædam arimantum partu edita. Ut omnino euentus admirabiles & singulares & inopinati expectandi esse uideantur. Etsi autem me non fugit prodigiorum famam semper esse fœcundam, & ea quæ uerè nunciantur, de alijs plurimq; que extiterint nunquam, nouas parere fabulas, tamen & copia quædam multiplicium signorum est ante oculos, & quæ tum affinguntur, ea etiam ipsa portenti instar habere solent, ut in hoc genere nihil omnium contemni debeat. neq; quisquam aliquid contempsisse sine præsente malo suo unquam, deprehendetur. De quibus iam quasi novo argumen-

Siccitas

to

to, quam multa quam memorabilia licere referre? neque essent ista ab instituto omnino aliena, et mihi hic expositionis labor non ingratus. Sed dum ea quae perscripta sunt elaborantur et eduntur, tantum mihi oblatum est curarum et negotiorum, ut uix ista iam describendo incepta perficere concederetur. quæ si animo vacuo fuisset, fortasse et pleniora et politiona exirent. Non enim tam inique de ingenij mei quasi fætibus sentire debeo, quin diligentia à me adhibita et assiduitate, atq; studio ac labore impenso, ueluti elimari posse sperem, in quo et species non deformis, et aliquis splendor appareat. Sed mea qualiacunq; esse possint, et quæcunq; huius opelle furia fuerit, habes tu, Christophe, quasi pensum hoc illius. Tibi enim deberi in primis istam elaborationem studij mei putaui. Qui et sermone prudentie tuæ banc commouisti, et præclare intelligis disputations eruditas, et opt. artium maximus es amator, et ueterem nostram necessitudinem nouis officijs recentibusq; meritis non desinis tueri et augere. Cum autem te non possit fugere, quantis in periculis uersetur Respub. Tu quod facis inclinatam et nutantem fulcies atq; sustentabis cōsilij tuis. Quæ ubimāxime desiderentur, et adhibendi ipsa quæ sit opportunitas, non latet sapientiam tuam, Virtus autem ea est, ut Reipub. caussa nullum periculum recusatura uideatur. Sane res difficiles sunt, neq; multum bona specie uspiam ostendit. Non tamen ideo tibi et tui similibus

Specie uspiam
 ostendit

similibus cedendum est statione ea in qua estis collo-
cati. Quin etiam ut non est proratae aut celestae,
aut si qui alij gubernatori inseruiunt optanda in ma-
rit tempestas, sed coortahac, et artis ipsorum experi-
entia et scientiae industria conspicitur et probatur:
Sic uestro ordini quamvis molesta et tristia accidunt
mala publicarum aerumnarum, constantia ac fides, et
quas sepe iam memoro sapientia et uirtus declaran-
da est, in eius nauis cursu, quae iam dudum uarijs pro-
cellis uentorum agitatur et iactatur fluctibus. Sup-
petunt autem rationibus ueris et præclaris consulta-
tionibus, adhuc tamen adiumenta non pauca. Et boni
uiri qui munera Reipub. gerunt, non omni prorsus
ope destituuntur. Multis enim bonis auxit ætatem
nostram propitius DEVS, et quasi armavit aduer-
sus calamitatum maximarum impressiones. Restitu-
tus est nitor studijs bonarum artium, et ueritas do-
ctrina patefacta. Aperta itinera sapientiae atq; uir-
tutis, densis prius quasi inscitiae et barbariae uepri-
bus ac dumetis septa et inclusa. Quid autem in ea
parte, qua cognitio æterni DEI et omnis spes salu-
tis incolumentatisq; continetur, cultū uenerationemq;
DEI æterni dico, et Religionis sanctitatem: In
hac igitur quid errorum demonstratum? quid nota-
tum impietatis? quæ mendacia detecta? contra ue-
rō quam multa eruta è tenebris, restituta integrita-
ti, illustrata interpretando, explicata docendo?
Quod ita esse qui non confutetur, is aut stuporis ui-
tio,

Si uile
tempore
mari ora

U. v. boni
gentia torre

A. for
d. e. cal. ofli:

tio, aut odij uebementia, aut quacunq; sane prauitate animi, non uidet uideréue non uult, id quod luce, ut dicitur, meridiana clarius est. Atq; ut apud aliquos recta monendo & suadendo utilia parum forte pro-
 „ ficiatur, officium tamen si præstetur, & id fiat quod
 „ debet, cætera nimirum & permitti D E O, & aequo
 „ animo ferri conueniet, & sequi id quod iubent uersus
 „ siue Basili Episcopi seu alterius cuiuspiam, neq; in e-
 „ legantes & id omnino quod res est præcipientes,
 Basili distichon. Ὅς ζθέλῃ τὸ φέρον σὲ φέρειν φέρει. Καὶ δὲ απι=
 θήσαις,

Ἄρτι σαυτὸν βλάψεις καὶ τὸ φέρον σὲ φέρει.
 Quos aliquando sane audace conatu sic uertimus,
Quod res fert patiare ferens. Sin forte repugnes, NB
Te lædens, quod res fert tamen usq; feres.
 Sed rursum ista iam alterius quasi scholæ explicatio
 instituitur, rerum quidem illa præcipuorum & ne=
 cessariarum, sed de quibus uel coram uer-
bis, uel scriptis aliâs rectius
differetur.

FINIS.

Charta 9. Versu 7. Lege Herculaneum. C.37.V.12.
 l. conuentorum. C.38.V.16. l. Tamet. C.43.V.
 14. l. Prim.

Hanc ad te noluntur enim obliniorne tenet
Quod factum tandem membra quinque
Es ist Quis regnum se Vergessen primus.
Es rūgor non standeim auf sein ussum

